

Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 811 8° copy 1






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 811 8° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 811 8° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 811 8° copy 1

1-307,-80

DA Bat




LN 811

α.1

M





IN
LA
C

N



In Ch
cognit

COMMENTARIVS
IN EPISTO
LAM PAVLI AD
COLOSSENSES,
SCRIPTVS

A
NICOLAO HEMMINGIO.



*Dante Katharina Buis
posideo.*

*Claudio
mm. R.
Hafniae 1648.*

COLOSS. 2.

In Christo sunt omnes thesauri sapientiae &
cognitionis absconditi.

VITEBERGAE

ANNO M. D. LXVI.

1, - 307, - 80

O
VI
ET
stant
Regi
Præf

N



moq
Vide
tis /
re,
nã
hoc
hon
ver



ORNATISSIMO
VIRO, PRVDENTIA, PI
ETATE ET VIRTUTE PRÆ
stanti Canuto Petri Suenburgio, primario
Regiæ Maiestatis scribæ in arce Hafniensi,
Præfecto relonij in Scania, ac Canonico
Roschildenli dignissimo, veteri
amico suo

Gratiam & Pacem precatur

NICOLAVS HEMMINGIVS.

ERVNT XENOPHON-
tem adhuc rudem litera-
rum occurrisse Socrati
summo Philosopho, opti-
moq; morum magistro. Hic cum
videret puerum ingenuum, virtu-
tis singularem indolem præ se fer-
re, interrogat ipsum hisce verbis:
Πῶς καλοὶ καὶ ἀγαθοὶ γίνονται ἄνθρωποι;
hoc est, Vbi honesti & boni fiunt
homines? Cum autem Xenophon
verecundus puer dubitaret, dixit

A 2 Socra-

EPISTOLA

Socrates : Sequere igitur me & discere, & deinde factus est Xenophon discipulus Socratis. Hoc Socratis sapientissimi factum satis indicat, non sufficere naturam, ut quis bonus & honestus euadat, sed requiri prætereà doctrinam & assuefactionem.

Id quod cum Lycurgus Lacedæmoniorum legislator suis Lacedæmonijs persuadere vellet, duos sibi catulos ex iisdem procreatos parentibus educandos sumsit, quorum alter quidem sibi videlicet relictus, gulæ & luxus studiosus : alter verò arte venatoria institutus, venationi aptus & idoneus effectus est. Congregatis igitur quodam tempore Lacedæmonijs, magnum, inquit Lycurgus, momentum ad virtutem obtinent, vitæ ratio, educatio, præcepta,

Lycurgus
duos catulos
educavit.

De 1. p. Ep. 61.

pta
co
xiss
posu
& le
cum
sior
lepor
nus
tem
bant
Lyc
istos
amb
iysde
dine
hic
ticu
H
qu

DEDICATORIA.

pta & assuefactiones, quam rem illico vobis palam faciam. Cum hoc dixisset, catulos adductos in medio posuit, & in conspectu eorum ollam & leporem collocavit, catulos autem cum soluisset, alter quidem generosior disciplina factus, celeri cursu ad leporem contendit: alter verò ignavus se ad ollam proripit. Cum autem Lacedæmonij conijcere nequibant, quid sibi hoc spectaculo vellet Lycurgus, ac quam ob rem catulos istos in publico exhibuisset. Sunt ambo, respondit Lycurgus, isti ex iisdem parentibus orti, verum quia *Quantum possit educatio.* diuersam nacti sunt educationem, hic quidem gulosus, ille autem venaticus euasit, tantum potest educatio. Huc facit & responsum Aristippi, *Aristippi* qui, cum interrogaretur à quodam,

A 3 quan-

EPISTOLA

quantam mercedem pro filij institu-
tione postularet, illeq; respondisset,
mille drachmas, cui ille, mille drach-
mis mancipium comparare possum,
respondit, emito sanè, atq; ita duo
habebis mancipia, filium, & quem
emeris seruum. Hoc ipsum Cratetis
sapientissimo testimonio comproba-
tur, qui concensa vrbis editissima
parte exclamandum censuit: Quò
quò ferimini ciues? Num conuenit
in opibus parandis maximè occupa-
ri, ac de liberis, quorum causa quæ-
runtur opes, minimè esse sollicitos?
Credite mihi, non potest melior hæ-
reditas liberis à parentibus relinqui,
quàm si bene educati, atq; ad virtu-
tem rectè ab ineunte ætate sint insti-
tuti. Hoc enim eis perpetuum manet
patrimonium, neq; à fortunæ procel-
lis

duo mancipia.

Crates.

Optima hereditas.

perpetuum patri-
monium.

lis l
ent
ma
mis
mi
exp
qua
mag
cum
com
suos
arbi
se m
mar
tibi
inst
scel
us?
len
dic

DEDICATORIA.

lis labefactari potest. Hæc sapi-
entum dicta & exempla de infor-
manda ad virtutem iuuentute à pri-
mis veluti vnguiculis confirmat o-
mnium temporum certissima testis
experientia. Vnde manifestum est,
quàm bene consulant suis liberis, qui
magnam operam impendunt bene &
cum virtute educandis liberis, &
contrà, quàm crudeles sint in liberos
suos, qui eos permittunt viuere pro
arbitrio. Nam quadruplici malo
se miserè inuoluunt. Primum enim
mandatum Dei, qui mandat paren-
tibus, vt piè & honestè suos liberos
instituant, pro ludibrio habent, quo
scelere quid quæso potest esse graui-
us? Deinde liberis ipsis intolerabi-
lem iniuriam faciunt, quibus natura
dictante, debent honestam & piam

A 4 educa-

Consultissimum
pueris recta
educatio.

Parentes horum
obliui peccant.

1. Mandata Divina
spernunt.

2. Injuriā faci-
unt liberis.

9

EPISTOLA

*Sibi ipsis molestias
creant.*

*vitia liberorum
augent parentum
dolores.*

*4. Item publ. damno
afficiunt.*

Scandalo pducunt.

*In novissimis die
revelantur qd
occultata fuerant.*

educationem. Tum sibi ipsis in sene-
ctute molestias gravissimas accer-
sunt. Quid enim molestius esse po-
test? quam videre liberos suos malè
educatos ferri precipites in omnia
flagitia, consumere parentum fa-
cultates in lupanaribus cum scortis,
potatoribus & lusoribus? Postre-
mò, sunt etiam in rempublicam ini-
qui. Nam reipublicæ debent paren-
tes suos liberos, quos si malè educa-
verint, perniciosos ciues relinquent
reipublicæ, in multorum hominum
ruinam. Nam & exemplo euertunt
multos, & ignavia sua nihil confe-
runt ad incolumitatem reipublicæ.
* Omitto pœnas & parentum, qui ne-
gligunt suos liberos, & liberorum
temporaneas & æternas, quas nobis
contemplandas exhibebit dies iudi-

cij,

cij, i
fact

I

cton

stan

cuius

cet &

virtu

rectè

est na

tutum

na ca

rupti

tio, e

qui

et &

præ

effu

gan

DEDICATORIA.

cij, in quo fiet examen rectè & malè
factorum.

Iam bonæ & legitimæ instru-
ctionis partes videamus. Docti te-
stantur tria oportere concurrere ad
cuiusvis artis absolutionem, videli-
cet φύσιν, λόγον & ἔθος, quæ tria ad
virtutis & pietatis consecutionem
rectè accommodari possunt. φύσις
est natura ipsa, in qua quidem vir-
tutum semina delitescent, etsi mag-
na caligine inuoluuntur in hac cor-
ruptione naturæ. λόγος, hoc est, ra-
tio, est disciplina discendiq. modus,
qui præceptis & institutis constat.
ἔθος est ipsa assuefactio, sine qua
præcepta virtutum nihil aut parum
efficiunt. Hæc ergo tria ut coniu-
gantur laborandum est. Nam ex

A 5 istis

^{a.} φύσις. in quâ
virtutis semina deli-
tescit.

^{b.} λόγος. ἡ πρὸς
πρᾶξις constant.

^{2.} ἔθος. assuefactio.

EPISTOLA

istis tribus consummatio virtutis
perfectioq̃ constat, quorum si vnum
abfuerit, virtus vt claudicet man-
caq̃ sit, necessariò sequitur. Est enim
φύσις, si disciplina & studium non
accedat, cœcum quiddam, quemad-
modum & λόγος sine naturæ admi-
niculo, per se minimè sufficit, atq̃
εἶς & sine ambobus imperfectum
quid. Perinde igitur se res habet,
vt in agricolatione, in qua omnium
primum solum bonum expetitur,
tum agricola peritus, postea semen
idoneum & minimè fatuum. Solo
persimilis est natura hominis seu
ingenium. Agricola præceptor re-
spondet. Præceptiones seminis ratio-
nem habent. Sicut ergo solum per
se bonum, neglectum corrumpitur
& sterile scit, & contrà plus æquo
aspe-

Πύξις
λόγος
ἔδος.

et in semine.

Agricoltura.

Solum, λόγος.

Agricola, præceptor.

Semina, præcepta.

aspe-
men
natu-
stima
fit da
nam
ercity
re pr
ita st
corrig
Hanc
incule
mon a
tris t
tris t
tuo, e
sciplin
stode
Qui
vita

DEDICATORIA.

asperum & horridum, si excolatur,
emendatur & fertile efficitur: Ita
natura bona, si non accedit bona in-
stitutio, corrumpitur & paulatim
fit deterior, mala verò per discipli-
nam corrigitur, & quotidianis ex-
ercitijs melior euadit. Vt ergo natu-
ræ præstantiam corrumpit socordia:
ita stupiditatem et vitia emendat &
corrigit institutio & disciplina.
Hanc ob causam verbum Dei toties
inculcat disciplinæ encomia. Salo-
mon ait: Audi fili mi disciplinam pa-
tris tui, & ne dimittas legem ma-
tris tuæ, vt addatur gratia capiti
tuo, & torques collo tuo. Tene di-
sciplinam, & ne dimittas eam, cu-
stode eam, quia ipsa est mater tua.
Qui custodierit disciplinam, inueniet
vitam.

Hæc

*Bona natura neglecta
Corrumpitur.*

*mala nam p disciplina
Corrigitur.*

*Encomia disciplina
ex sacris.*

EPISTOLA

*Hæc disciplina in instructione
& correctione posita est. Instructio
præceptis & regulis continetur,
quarum mensura est recta ratio,
vox Dei aliâq; sapientum dicta,
quæ cum recta ratione & voce Dei
congruunt, qualia sunt dicta septem
Sapientum, & gnomæ multorum
Poëtarum latinorum & græcorum,
quorum lectio mirabiliter facit ad
rectam institutionem. Correctione
emendantur errata incidentia in mo-
ribus. Hæc fit vel verborum casti-
gatione vel pœna, ut prudens mo-
rum magister iudicauerit. Porro,
instructio hæc duplex est, vna in-
terna, altera externa, utraq; ab alte-
ra quodammodo dependet. Rectè
enim formatum animum mores ex-
* terni honesti comitantur, & hone-
stis*

instructio.

Correctio

*instructio interna
& externa*

*stis
tute
virtu
forma
castig
ne, in
ercitij
test, qu
& me
sterior
vestib
conuer
præcep
Vtrac
coniu
i. d. p. s.
enim
ritas
abunde
su, v*

DEDICATORIA.

stis moribus respondet animus vir-
tute excultus. Prior illa mentem
virtutum & pietatis præceptis in-
format, affectus frenat, cupiditates
castigat, idq; meditatione legis diui-
nae, inuocatione Dei & alijs pijs ex-
ercitijs. Ex quo facile intelligi po-
test, quòd interna hæc disciplina fons
& mater sit omnis felicitatis. Po-
sterior cernitur in verbis, gestibus
vestibus, factis, adeoq; in externa
conuersatione, quæ ad regulas &
præcepta virtutum componitur.
Vtraq; hæc disciplina & instructio
coniuncta facit, vt homo sit εὐλαβὴς
& ἀπερόσκοπος in diem Christi. Ita
enim Paulus ait Philip: 1. Oro vt ca-
ritas vestra adhuc magis magisq;
abundet in cognitione & pleno, sen-
su, vt iudicetis ac probetis præstan-
tiora,

Philip. 1.

9

ΕΠΙΣΤΟΛΑ

tiora, ut sitis εὐαγγελιστῆς καὶ ἀπεόσκοποι
ad diem vsq. Iesu Christi. Hic pul-
crè coniungit Apostolus cognitio-
nem, quæ præceptis paratur, & sen-
sum, hoc est, cognitionis effectum,
cùm interiorem videlicet animi re-
ctitudinem, vnde homines efficiun-
tur εὐαγγελιστῆς, tùm exteriorem, quo
homines euadunt ἀπεόσκοποι, ut in-
offensus sit cursus illorum in tota
vita; cùm videlicet appareant, ut
idem Apostolus in eodem loco sub-
iungit, pleni fructibus iusticiæ, qui
fiunt per Iesum Christum, ad glori-
am & laudem Dei.

Hæc de educatione & discipli-
na iuuentutis ad te scribo, vir orna-
tissime ac collega carissime, ut cùm
cogites seriò quanti momenti res sit,
pia

pia &
quàm
fruct
propo

N
Et
la tua
plus m
tam a
rit. I
latium
Etè in
euoca
sumar
consp
tur.
crepis
assue
stite.


DEDICATORIA.

pia & sancta educatio puerorum,
quàm grata sit Deo, quamq̃ dulces
fructus proferat, in tuo sanctissimo
proposito confirmeris magis.

*Dulcissimi etiam
fructus.*

Neg te abstertere debet à san-
ctissimo proposito, quòd nuper filio-
la tua dulcissima Margareta, annos
plus minus quatuordecim, hanc vi-
tam ærumnosam meliori commuta-
rit. Debet enim tibi maximum so-
latium esse, quòd piè educata & re-
ctè instituta, sit ab hisce ærumnis
euocata ad cætum multarum castis-
simarum virginum, quæ dulcissimo
conspectu sponsi Christi læ fruun-
tur. Tu igitur perge præclarè, ut
cæpisti, ad pietatem & honestatem
assuefacere quos habes adhuc super-
stites liberos. Laudandum est pro-
fectò

*Solacium parentum
in morte filiorum.*



EPISTOLA

fectò consilium tuum, qui nullis
sumtibus parcis in rectores morum
& studiorum tuorum liberorum,
quos non solū domi piè, verū etiam
foris apud homines pios & probos
curas ad virtutem & pietatem in-
stitui, rectè perpendens illud Pla-
tonis, quòd parentes ideo generent
& instituant liberos, vt in suum lo-
cum Deo relinquunt in hac vita cul-
tores, vbi ipsi morte vitam commu-
tauerint. Quod sanè fieri non potest,
nisi diligens & pia fuerit liberorum
educatio, in admonitione & corre-
ptione Domini, vt Paulus loquitur.
Quæ admonitio optimè petitur à
thesauris sapientiæ & cognitionis,
quos affirmat Paulus in Christo
absconditos esse, in hac Epistola ad
Colossenses scripta. In quam ideo

sub

Plato.

Procreant parentes
pueros, ut ipsis
mortuis, Deo suffici-
ant cultores.

sub
luce
mei
cum
rum
mode
delis
amiss
lemca
erga
nesti
liberi
pergi
e

DEDICATORIA.

sub tuo nomine has annotationes in
lucem edo, vt aliquod testimonium
mei erga te amoris extet, qui olim
συμφοιτηταί eramus, sub optimo mo-
rum magistro M. Nicolao Blach,
moderatore scholæ Roschildensis fi-
delissimo, quem nunc multi dolent
amissum. Rogo autem vt hanc qua-
lemcunq; testificationem animi mei
erga te boni consulas. Vale cum ho-
nestissima vxore tua Anna, & cum
liberis, quos sicut cœpisti piè, ita
pergito ad virtutem & pietatem
educare. Hafnia primo Au-


gusti, anno Domini

1565.

B

ARGV=

Ευχαριστίας.



ARGVMENTVM
IN EPISTOLAM
PAVLI AD COLOS-
SENSES.



OCCASIO HVIVS EPI-
stolæ ad Colossenses scriptæ
duplex fuisse Paulo videtur.
Prior, Epaphras minister Eu-
angelij apud Colossenses,
postquam Euangelium Christi sincerè do-
cuisset Colossis, profectus est Romam, gra-
tia colloquendi cum Paulo iam incarcera-
to, qui cum cognouisset statum Ecclesiæ
Colossensis ab Epaphra, uidelicet, quòd in
vera Christi doctrina esset instituta, vt do-
ctor, ac debitor gentium, eis, et si antea à se
non visis aut à se doctis, scribit tamen apo-
stolico affectu, vt doctrinam, quam ex
Epaphra didicerant, firmam, veram ac mi-
nimè adulterinam esse ipsis persua-deat.
Posterior, cum Epaphras in sana doctrina
fundasset vtcunq; Ecclesiam Colossensi-
um, subintrarunt (vt fit) pseudoapostoli,
qui in agrum Domini, iuxta parabolam
Euangelicam, iacere zizania tentabant, in-
ani Philosophia, ritibus Mosaicis, supersti-
tione hominum, cultu angelorum &c. tur-
bantes

VM
AM


AD COLOSS.

bantes Ecclesiam. (& hæc videtur præci-
pua causa, cur Epaphras se Romam contu-
lerit ad Paulum) His igitur ne locum dent
Colossenses, grauiter contra pseudoapo-
stolos disputat Paulus, ac conuincit cere-
monias Mosaicas abolitas esse, ac omnem
ἐθελοθρησκείαν vanam ostendit. Consili-
um itaq; Pauli in hac Epistola apparet ef-
se, vt confirmet Euangelicam doctrinam,
quam acceperant per Epaphram, ac impe-
diat pseudoapostolorum conatus, qui ve-
rum Euangelium Christi, traditionibus
Mosaicis ac humanis corrumpere studue-
runt. Sed parum profuisse hanc Pauli ca-
techesin, pœna, quam postea luerunt Co-
lossenses, declarat. Nam tempore Nero-
nis, non multò postquam hanc Epistolam
Paulus scripsisset, tres vicinæ ciuitates
Asiæ, Colossæ, Laodissea & Hierapolis, ter-
ræmotu (vt testes sunt Horosius & Euse-
bius) conciderunt & absorptæ sunt. Hor-
rendum sanè iudicij Dei in ingratos testi-
monium. Quæ res meritò nos admonere
deberet, quibus hodie affulsit ex gratia
Dei lux verbî cœlestis, ne nostra ingratitu-
dine & Euangelij contemptu accerlamus &
nobis & alijs luctuosum exitium. Deus
enim, quò clariorem suæ lucis splendorem

Catechesis Pauli.

*Colossa Laodissea
terra motu absorpta.*

B 2 præ-



EPIST. PAULI

præbet mortalibus, eò atrocioribus supplicijs in contumaces animaduertit, iuxta Domini nostri dictum: Seruus sciens voluntatem domini & non faciens, vapulabit plagis multis.

Expergiscamur igitur admoniti hoc horrendo iudicij Dei exemplo, ac Deo pro accensa sua luce gratias agamus, honestè, piè ac iustè viuendo, cauentes ne rursus imposturis Papisticis, aut alijs phanaticis opinionibus inuoluamur.

Distributio.

Porro, præter inscriptionem & valedictionem, quatuor huius Epistolæ partes statui possunt. Harum prima est exordium ipsum. Altera, exegesis continens descriptionem Christi Domini, ac commemorationem beneficiorum ipsius. Tertia, est disputatio contra ritus Mosæicos, traditiones humanas. Breuiter, contra omnia somnia humana, & excogitados præter & contra verbum Dei cultus. Postrema pars est parænetica, quæ ad mores hortatur Evangelio dignos.

Tractationis ordo in hac Epistola hic est. Orditur suo more ab Epigrapha & fausta imprecatione. Deinde subiungit primam Epistolæ partem, nimirum exordium gratulatorium, in quo, vt gratias agit Deo

Deo
ses: in
rura.
secun
nem o
summ
necij
sti, in
colloc
cinar
net, m
bitur
& dig
tinere
datur
damer
Epap
comm
quod
dum
lorum
& ap
nant
in sol
ri sap
rante
tion
tion

AD COLOSS.

Deo pro fructu Euangelij apud Colossenses : ita orat ut ista felicitas sit diuturna futura. Ab exordio dilabitur mollissimè in secundam partem, hoc est, in expositionem omnium longè pulcerrimam, in qua summam Euangelij repetens, docet de beneficijs, potentia, natura & victima Christi, in quo solo omnem salutis fiduciam collocandam esse demonstrat. Hanc doctrinam Colossensibus salutarem fore monet, modo in fide perstiterint. Hinc dilabitur in commendationem sui ministerij & dignitatis Euangelij, admonens eò pertinere Euangelium, ut omnis homo reddatur perfectus in Christo Iesu. Hoc fundamento iacto, ac ita confirmata doctrina Epaphræ apostoli Colossensium, accedit commodè ad tertiam partem, additque quod ex dictis necessariò sequitur, cauendum esse ab omni fallacia pseudoapostolorum, & hortatur, ne fallaci Philosophia & aptis ad persuadendum orationibus sinant se à veritate abduci. Sed ut maneat in solo Christo, in quo sunt omnes thesauri sapientiæ & scientiæ reconditi, nihil morantes ἐθελοθρησκείας hominum, superstitiones Iudaicas, aut vllas humanas traditiones. Huc iam Apostolico more attexit

B 3 paræ-

EPIST. PAULI

parænesis (atq; hæc quarta pars est Epistolæ) cum generales, quas ad Christianam vitam in vniuersum rectè instituentem iudicauit necessarias, tum speciales, quibus parentibus, liberis, vxoribus, dominis, seruis sua propria officia præscribuntur, vnde rursus redit ad communia officia commendanda. Postremò, suo more salutationibus & fausta imprecatione claudit Epistolam. Atq; hæc de occasione & consilio Pauli, de partibus huius Epistolæ & de tractationis ordine sint dicta.

CAPVT PRIMUM.

SVMMA CAPITIS PRIMI.

GRatijs actis Deo ob participationem Colossensium in Euangelio, Christi naturam, potentiam & beneficia describit, quorum omnium Colossenses participes esse factos pronunciat per prædicationem Euangelij, cuius se ministrum agnoscit, in
hunc

hunc
perfo

OR

T

ange

da el

Chri

tia est

fri ad

ange

EX

sti,

mo

loff

bus

E

Epi

AD COLOSS.

hunc finem, vt sistat omnem hominem perfectum in Christo.

ORDO ET PARTES CAPITIS PRIMI.

TRes sunt partes huius capituli præcipuæ. Prima est gratulatoria ob Evangelij fructum in Colossensibus. Secunda est exegetica. Exponit enim, quæ sit Christi natura, potentia & beneficia. Tertia est accommodatio beneficiorum Christi ad Philippenses, per prædicationem Evangelij.

EXEGESIS CAPITIS PRIMI, CVM OBSERVATIONE doctrinarum.

Paulus Apostolus Iesu Christi, per uoluntatem Dei, & Timotheus frater, ijs, qui sunt Colossis, sanctis & fidelibus fratribus in Christo.

EPigrapha more vsitato nominat eum, qui scribit, & eos, quibus scribitur hæc Epistola. De eo, qui scribit, quatuor memorat,

B 4

morat.

EPIST. PAULI

morat. Primum, quis scribat, nempe Paulus. Deinde, quæ conditio scribentis, nimirum quod sit Apostolus Iesu Christi, unde quicquid scribit, tanquam oraculum Dei accipiendum est. Tertio addit quomodo ad hanc dignitatem, hoc est, Apostolatam peruenerit, videlicet, per voluntatem Dei, qui eum segregauit ad munus Apostolicum. Quarto, adiungit sibi Timotheum, quem fratrem, cum propter religionem communem, tum propter fraternum erga ipsum animum appellat. Deinde Colossenses quibus scribit, nominat, eosque ornat triplici titulo. Vocat enim ipsos sanctos, fideles ac fratres in Christo, ut ostendat extra Christum nullam esse sanctitatem, nullam salutem, nullam fidem, nullam denique veram fraternitatem. Sanctitatis nomen admonebit nos studij sanctimonie vitæ, ac cultus vnius æterni Dei. Fides est instrumentum, per quod sanctitatis Christi reddimur participes, unde in alios homines sequitur fraternus animus & affectus, qui ubi non est, ibi nec fides est, ubi hæc deest, nihil nisi prophana fœditas, contaminatio & abominabilis impuritas reliqua est. Plura de epigraphis Paulinis dicta sunt in enarratione epistolæ ad Romanos.

Gra-

pat
sto.

S

ij ser

Paul

amor

Dei

isto fa

saluta

Dei c

pacer

fu Ch

ritis e

bis de

præte

fidei

retin

tri

Pau

AD COLOSS.

Gratia uobis & pax à Deo
patre & Domino Iesu Chri-
sto.

Summam suæ legationis seu Euange-
lij semper in salutationibus suis proponit
Paulus, ut eos, ad quos scribit, excitet ad
amorem Euangelij. GRATIA fauorem
Dei significat, & quicquid Deus nobis ex
isto fauore largitur. PAX autem omnia
salutaria & prospera, quæ nobis bonitate
Dei contingunt, notat. Hanc gratiam &
pacem optat à Deo patre, & filio ipsius Ie-
su Christo, ut sciamus nos non nostris me-
ritis eam consequi, sed à patre cœlesti no-
bis donari propter Christum. Admonet
præterea hæc salutandi forma Colossenses
fidei. Nam fide accipitur, possidetur ac
retinetur hæc gratia & pax.

Prima Epistolæ pars.

EXORDIUM.

Gratias agimus Deo & pa-
tri Domini nostri Iesu Christi.

Propositio gratulatoria. Solet enim
Paulus loco gratulationis gratiarum acti-

B 5 one

EPIST. PAULI

one vti, qua re duo docet. Primum, quòd
 omne bonum opus à Deo sit. Deinde,
 quòd quotiescunq; incidimus in mentio-
 nem donorum Dei, erumpere oporteat in
 laudes Dei & gratiarum actionem. Deo &
 Patri, hoc est, Deo, qui est pater domini
 nostri Iesu Christi. Vt enim olim Patres
 inuocauerunt Deum Abraham, Isaac &
 Iacob, qui eduxit populum de terra Aegy-
 pti: Ita post exhibitum Christum Deus
 pater domini nostri Iesu Christi inuocan-
 dus est, eiq; gratiæ agenda. Nam quicunq;
 Deum inuocat, non nominato filio Dei ex
 vera fide, dupliciter impingit. Primum
 enim cum turcis, Iudæis & Ethnicis à vero
 Deo aberrat. Deinde, frustra preces fun-
 dit. Quicquid petieritis (inquit filius) à
 Patre in nomine meo, id est, me nominato
 mediatore, dabit vobis. Frustra ergo pe-
 tit, qui vel alium quàm solum Christum
 nominat, vel ipsum Christum à precibus
 suis excludit.

Semper pro vobis orantes.

Id est, quotiescunq; pro vobis oro.
 Obserua semper coniungendas esse exem-
 plo Pauli gratiarum actionem & prædica-
 tionem. Debet enim gratiarum actio ad-
 iungi

tus

Deus Abr. Is. & Iac. in V. t.

*Deus P. d. n. i. Christ.
 in novo Test.*

1.

2.

2. Cor. 16.

rus qu
 sequat
 Deo,
 precat
 num.

P
 uesti
 su, &
 mnes

Q
 minat.
 ritaten
 rectè a
 religio
 (quæ
 & car
 Quan
 te cor
 gradu
 vnum
 tis glø
 ordine
 loco fi
 re inc
 nulla
 potes

AD COLOSS.

tus quidam esse ad orationem. Exemplum
sequamur & nos, gratias quidem agentes
Deo, pro Euangelij incremento & fructu,
precantes verò, vt hoc bonum sit diutur-
num.

Postquam audiuius fidem
uestram, quæ est in Christo Ie-
su, & dilectionem, quæ est in o-
mnes sanctos.

Quid gratuletur Colossensibus, no-
minat, nimirum fidem in Christum, & ca-
ritatem erga sanctos. Hic primum obserua,
rectè ad duo capita reuocari Christianæ
religionis summam, nimirum ad fidem
(quæ in se continet verum timorem Dei),
& caritatem, quæ ex fide proficiscitur.
Quanquam autem omnes homines carita-
te complecti oportet : Tamen in primo
gradu diligendi sunt sancti, qui nobiscum
vnum Deum colunt, ac eandem hæredita-
tis gloriam expectant. Deinde, obserua
ordinem verborum Pauli. Priori enim
loco fidem ponit, posteriori caritatem, qua
re indicat, à fide incoandum esse, sine qua
nulla caritas sincera esse potest. Neq; enim
potest arbor mala nisi fructus malos pro-
ferre,

EPIST. PAULI

ferre. Præterea obserua proprium obiectum fidei esse Iesum Christum, ex cuius spiritu vim viuificam concipit ad edendos fructus filijs Dei dignos.

Propter spem repositam uobis in cœlis.

Fidei & caritatis incitamentum ponit. Gloria enim cœlestis, quam spiritu ex fide expectamus, nos ad perseverandum constanter in fide & dilectione incitat. Metonymicè ponitur hîc spes pro re sperata, quæ in thesauris cœlestibus reposita est, quo tempore oportuno fruemur. Vbi ergo nulla apparent fidei inditia, ubi nulla caritatis testimonia extant, ibi neq; spem ullam esse cœlestis hæreditatis, ex hoc loco Pauli concluditur. Papistæ hîc contra ἀναλογία fidei impingunt, dum insulsè ex hoc loco colligunt operum merita. Non enim hîc de merito bonorum operum loquitur Apostolus, sed tantum τὸ προκυμῶν, id est, causam incitantem ad fidem & dilectionem ponit. Potest etiam ita construi, Postquam audiuius fidem vestram in Christo Iesu, & dilectionem erga omnes sanctos, gratias agimus Deo propter spem repositam

reposit
glori
pturi
thana

L
ferm
quo

C
tum el
causa
spes a
Euang
nem v
stent c
cerant

(
mul
scit
quo
tiam

stanc
non
cum

AD COLOSS.

repositam vobis in cœlis, id est, propter gloriam immortalitatis, quam estis adepturi, atq; hæc posterior interpretatio Athanasij est.

De qua audiuiſtis prius, per sermonem ueritatis Euangelij, quod peruenit ad uos.

Quia extra captum humanum positum est, quicquid pñ sperant, ideo addit causam instrumentalem, qua illa nobis spes allata est, nimirum prædicationem Euangelij, quam per excellentiam sermonem ueritatis nominat, ut Colossenses perſtent constantes in Euangelio, quod didicerant.

Quemadmodum & in toto mundo etiam fructificat & crescit: sicut & in uobis, ex eo die, quo audistis & cognouistis gratiam Dei in ueritate.

Aliorum exemplo eos animat ad perſtandum in doctrina, & simul eos, quod non frustra Euangelium audierint, sed cum fructu & quotidiano incremento.

Hic

EPIST. PAULI

Hic duo obseruemus. Primum, quodnam sit obiectum Euangelij, nimirum, gratia Dei, id est, fauor, quo genus humanum complectitur Pater cœlestis propter Filium. Hac igitur differentia à doctrina Legis separatur Euangelium. Lex enim iram Dei, Euangelium gratiam prædicat. Deinde obseruemus gradus, quos hic Paulus ponit, qui sunt prædicare, audire, cognoscere, crescere & fructificare. Ideo enim prædicatur vt audiatur, ideo auditur vt cognoscatur, ideo cognoscitur, vt crescat & fructificet. Non debet ergo Euangelium nobis esse veluti theorematum speculabilem κατὰ ληψίς quædam, seu noticia ociosa, sed cognitum fructificare debet, coram Deo quidem vero cultu & timore, coram hominibus verò dilectione sincera. Qui enim Euangelium audiunt, legunt, cognoscunt sine fructu, id est, sine timore Dei & dilectione, sibi maius iudicium accersunt. Imitemur itaq; nos Colossensium exemplum, ac ne sinamus nos optimo fructu tam incomparabilis thesauri destitui, sed potius abundemus indies magis magisque in omni cognitione & sensu. Cum addit: A quo die audiuiſtis, laudat Colossenses à studio, vt excitet ad diligentiam
maio-

maior
prete
iunxi
pluril
cresce

C
stis
uo n
bis r

N
minat
dem
quid si
Primu
seruut
vnu
temp
præd
seruut
ctum,
tate se
boret
pro h
alibi
lis al
mini

AD COLOSS.

maiorē. Porro, quod veterem interpretem sequutus, fructificat & crescit, coniunxi, ideo feci, quia in peruetustis exemplaribus additur vox ἀναπόμωρος, quam crescens, interpretari licet.

Quemadmodum & didicistis ab Epaphra, dilecto conseruo nostro, qui est fidelis pro vobis minister Christi.

Nunc Apostolum Colossensium nominat, quem commendat, breuiter quidem si verba spectes, copiosissime verò, si quid sub istis paucis verbis lateat, euoluas. Primum enim vocat ipsum dilectum conseruum, quo titulo significat, eum non esse vnum aliquem ex turba eorum, qui tum temporis quauis occasione currebant & prædicabant, Sed eximium quendam conseruum & commilitonem, eumque dilectum, vt qui vera animi sinceritate & caritate secum in propagando Euangelio laboret. Deinde vocat ipsum fidelem pro ipsis ministrum Christi. Hoc enim, vt alibi dicit, in ministris requiritur, vt fidelis aliquis inueniatur. Non enim satis est ministrum esse, nisi rectum & fidele sit ministrus.

EPIST. PAULI

nisterium. Nec sufficit, si quis pastor vocetur, nisi fideliter in officio se gerat, qui vocatus est, neque quicumque vera docet, protinus est fidelis, sed qui Domino seruire, Christi regnum promouere pia doctrina ac honesta vita ex animo studet. Ut enim vitam ornare docendo: sic doctrinam ornare viuendo decet. Hic locus aperte militat contra pseudoapostolos Papæ, qui satis esse putant titulum habere, & successionis prærogatiuam. Cum interim parum solliciti sint de fide in officio præstanda. Deinde & illos (qui tamen de sincero Euangelio gloriantur) coarguit, qui aliud propositum habent, quam Christi gloriam & Ecclesiæ ædificationem. Non enim pauci sunt, qui reddituum maiorem, quam animarum curam gerunt. Sint igitur ministri Euangelij huius Epaphræ imitatores, ac se fideles in sancto suo ministerio præbeant.

Qui & significauit nobis uestram dilectionem in spiritu.

His fauorem & gratiam Epaphræ conciliat apud Colossenses. Solemus enim eos magis amplecti, quos scimus erga nos sincere

cerè a
nestè
eam,
nibus
de spi
discr
rator
profi
noua
hæc d
sit per
subie
carne
Ideo c
& con
uoi et
les: t
tur, &
tute

aud
uob
mir

prol
oster

AD COLOSS.

cerè affectos esse, ac de nobis absentibus honestè loqui. Dilectionem in spiritu vocat eam, quæ per spiritum generatur in hominibus fidelibus, seu quæ proficiscitur à corde spiritu Dei reformato. Est enim hoc discrimen inter sanctorum & non regeneratorum dilectionem, Sanctorum dilectio proficiscitur (vt dixi) à corde spiritu renouato, quo purificantur affectus. Ideoque hæc dilectio est pura & sancta, etiam si non sit perfecta. Estimatur enim à sua causa & subiecto. Non regeneratorum dilectio ex carne est, quæ est impura & contaminata. Ideo quicquid ab ea nascitur, impurum est & contaminatum. Et tametsi σοφῶν καὶ φρονησάντων etiam in Ethnicis sunt per se laudabiles: tamen carnis viciositate contaminantur, & impuræ redduntur, cum contrà virtute spiritus Christi in pijs sanctificantur.

Propterea & nos, ex quo die audiuius, non desinimus pro vobis orare & petere, ut impleamini agnitione eius.

Quantum gaudius sit Colossensium profectu in Evangelio, certissimo indicio ostendit. Nimirum, quòd assiduis precibus

C bus

EPIST. PAULI

bus oret, vt Deum plenius cognoscant.
Cum hac cognitione crescit fides & pietas.
Id quod declarat, cū finem addit, nimirum, vt dignè Domino ambulent.

In omni sapientia & prudentia spirituali.

In qua re consistat cognitio voluntatis Dei docet, nimirum vt rectè mentes instructæ sint in Dei cognitione, & postea prudenter exequamur ea, quæ docti sumus. Sapientia enim ad noticiam, Prudentiam ad actionem seu $\pi\rho\acute{\alpha}\xi\iota\varsigma$ refertur. Non enim satis est seruum nouisse voluntatem heri sui, nisi etiam iuxta voluntatem eius faciat. Non ergo ociosam contemplationem rerum proficitur Theologia, sed efficacem noticiam voluntatis Dei requirit, vt mente, corde, lingua, adeoq; totis viribus incumbamus in hoc, vt iuxta verbum cognitum viuamus, vnde scriptum est: Per hoc scimus, quòd agnouimus eum, si iussa illius obseruamus, qui dicit, Noui eum, & præcepta eius non seruat, mendax est. Dicuntur autem Iohanni seruare mandata Dei, qui pro humanæ fragilitatis capiti, vitam suam student formare ad obsequium

quum
quam
dara
tenend
efficax
ex cog
gram
In om
hoc loc
tem ge
tur, pe
acci
est, cor
racula.
V
no, u
omn
tes,
Dei.
M
dium
dignè
bono
ne De
prop
enim

AD COLOSS.

quum Dei. Tamen enim non potest quisquam mortalium ad plenum seruare mandata Dei; tamen hoc principium firmiter tenendum est, quod vera cognitio Dei sit efficax, placeatque Deo conatus noster, qui ex cognitione hac proficiscitur. Porro, grammatica hinc obseruanda est, cum dicit: In omni sapientia. Omnis enim particula hoc loco, ut sæpe aliàs, non vniuersalitatem generis alicuius, sed rei cui adiungitur, perfectionem significat. Sic 1. Corinth: 13. accipitur, Si habuero omnem fidem, id est, consummatissimam fidem edendi miracula.

Ut dignè ambuletis Domino, ut per omnia placentes, in omni opere bono fructificantes, & crescentes in cognitione Dei.

Multis verbis utitur, quod magis studium in Colossensibus excitet. Ambulare dignè Domino, placere Domino, in omni bono opere fructificare, crescere in agnitione Dei. Hæc omnia necessariò cohærent, ut proprii effectus veræ cognitionis Dei. Qui enim voluntatem Dei doctus est, in omni

C 2 sapien-

EPIST. PAULI

sapientia & prudentia spiritali, is dignè Domino ambulare studet: (ambulat autem dignè Domino, qui ipsius voluntati studet per omnia satisfacere) Qui ambulat dignè Domino, is haud dubiè Domino placet: Qui Domino placet, suo opere fructificat magis: Qui fructificat, is hunc fructum reportat, quòd crescat in cognitione Dei magis, donetur spiritali robore, tolerantia, patientia, gaudio, ideo sequitur:

Omni robore roborati, iuxta potentiam gloriæ ipsius, in omni tolerantia & patientia, cum gaudio.

Quia vires nostræ adeo diminutæ sunt & debilitatæ, vt nobis relictî nihil dignum Domino faciamus, nec possimus fructificare, nisi quæ sunt mortis. Fructus enim radicem sapit. Ideo nunc addit de facultate fructificandi, quæ nobis suppeditatur à Domino, qui secundum gloriosam suam potentiam nos robustos & validos reddit, ad ea præstanda, quæ & ipsi grata sunt & nobis salutaria, ad omnem tolerantiam & patientiam cum gaudio.

Tolerantia

Tolerantia
arum
pectant
ad ver
dio, scil
fiducia
Huc pe
Beati,
pter iu
gnum c
gemitu
beratio
pter eu
Pe
git, qu
um, n
tatem I
impera
donec
meram

VT
c
tiarum
tur in

AD COLOSS.

Tolerantia est, qua ferunt pñ præsentes ærumnas. Patientia est, qua patienter expectant liberationem. μακροθυμία enim ad verbum longanimitas est. Cum gaudio, scilicet spirituali, quod concipitur ex fiducia in Christum, & ex spe liberationis. Huc pertinet promissio Domini Matth: 5. Beati, qui persecutionem patiuntur propter iusticiam, quoniam ipsorum est regnum cœlorum. Qui igitur patitur, etsi gemit sub cruce, tamen gaudet intuens liberationem promissam, & est beatus propter euentum.

Porro, hæc periocha graphicè depingit, qualenam debeat esse piorum studium, nimirum vt ex verbo discant voluntatem Dei, petant robur præstandi ea, quæ imperantur, ac ita fructificent, crescantq̃, donec suum cursum absoluerint, & ad metam peruenerint.

Secunda Epistolæ pars.

VT sibi viam sternat Apostolus ad sequentem catagraphen, redit ad gratiarum actionem. Nam hac ratione dilabitur in secundam Epistolæ partem, quam

C 3 exe-

• EPIST. PAULI

exegeticam esse dixi. Continet autem plenam descriptionem Christi, & commemorationem beneficiorum ipsius, ut ita non solum confirmet doctrinam Epaphræ parochi Colossensium, verum etiam plenam Catechesin tradat de Christo eiusque beneficijs, aduersus omnes corruptelas Iudaicas & alias, quæ tum contra personam, tum contra officium Christi eo tempore spargebantur, ad obruendam lucem Euangelij. Porro, huius descriptionis hic est ordo. Primum, gratiam Patris cœlestis erga nos describit. Deinde beneficia Christi commemorat, describitque Christi personam. Tum accommodat ad ὑπόθεσιν, Christi beneficia communicata Colossensibus, ostendendo ea ad omnes, qui Christum fide recipiunt, pertinere. Venit enim Christus ad seruandum, quod perierat. Hinc dilabitur in commendationem ministerij verbi, per quod illa beneficia nobis offeruntur.

Gratias agentes Deo & patri.

Ita habent emendatiora exemplaria græca. Quoties has duas voces coniungit scriptura, ex priore, nempe Dei appellatio-

lation
eius
rare,
conci
offend
appell
ternu
mum
Dei fi
mus e
trem,
hoc p
bus n
trem
respōc
ctrina
da pe
ctrina

(
par
min
(
ficijs
neos
dita
Hic

AD COLOSS.

latione, discamus maiestatem Dei intueri, eius præsentiam & omnipotentiam cogitare, unde in cordibus nostris timor Dei concipiendus est, ne tantam maiestatem offendamus. Ex posteriori, nempe Patris appellatione, discamus affectum Dei paternum erga nos, unde in mentem primum nobis veniat, quòd per vnigenitum Dei filium in hunc dignitatis gradum sumus euecti, quòd Deum habeamus patrem, ac ipsius censeamur filij. Deinde ex hoc paterno affectu accendatur in cordibus nostris vera erga clementissimum patrem fiducia. Sic enim decet, vt noticiæ respõdeat affectus & actio, unde fit, vt doctrina non sit ociosa contemplatio, sed corda penetret, ibiq; varios motus pro doctrinæ diuersitate excitet.

Qui idoneos nos reddidit, in partem sortis sanctorum in lumine.

Causa gratiarum actionis est à beneficijs patris cœlestis, qui nos reddidit idoneos ad participandam sanctorum hæreditatem in lumine, id est, in regno Christi. Hic primum obserua, quòd nostræ salutis

C 4 prin-

EPIST. PAULI

principium sit paterna patris cœlestis gratia. Deinde, quod ex nobis ipsiſ minimè ſimus idonei ad tantam & tam glorioſam hæreditatis participationem, qui natura ſumus filij iræ, & in tenebrarum regno propter peccatum conſtituti. Humiliemur igitur ac ſeponamus omnem arrogantiam, proſtrati nudi coram patre cœleſti, & certa fiducia expectantes à Deo, quod adeò paternè promittit.

Qui eripuit nos de poteſtate tenebrarum, & tranſtulit in regnum filij dilectionis ſuæ.

Expoſitio eſt præcedentis ſententiæ. Apertius enim & clariuſ, quomodo nos Deus idoneos reddiderit, ut eſſemus conſortes ſanctorum in lumine, exponit. Obſerva ἀντίθεσιν duorum regnorum, quorum ALTERVM eſt tenebrarum, id eſt, ignorantie Dei, luſtus, exitij, perditionis, cuius princeps eſt Satan, in quod regnum propter peccatum totus mundus demerſus eſt. Hoc regnum, ut vitijſ munitur, ambitur flagitijs, turres habet crimina & arma quarumcunq; turpitudinum molimina; Ita ipſius poteſtas in mortem damnationemq;

nem
litant
lucis
nis d
in qu
ferim
gnum
filio
bet, ir
adop
riam,

plus
quã
de ſu
ſe, cu
haud
dilec
ut v
ab æ

nem
mil

Ch

AD COLOSS.

nemq̃ eorum, qui sub Satana principe militant tēdit. ALTERVM regnum est regnū lucis, id est, noticiæ Dei, gaudij, liberationis & salutis, cuius princeps est Christus, in quod regnum ex sola Dei gratia transferimur. Atq̃ ideò addit Paulus, in regnum filij dilectionis suæ. In Christo enim filio vnigenito & coæterno, caros nos habet, in hoc elegit, in hoc vocauit, credentes adoptauit & iustificauit, in sui nominis gloriam.

Porro cū dicit, Filij dilectionis suæ, plus credo Paulum voluisse insinuare, quàm si dixisset, filij dilecti. Nam & Filium de substantia Patris, & eundem causam esse, cur Deus nos diligat, hoc Epitheto haud dubiè significat. Nos enim sumus dilecti in ipso, ipse verò patris dilectio est, vt vnigenitus filius, de substantia patris ab æterno natus.

In quo habemus redemptionem, per sanguinem ipsius, remissionem peccatorum.

Modus translationis nostri in regnum Christi exprimitur. Autor est filius Dei

C S

Iesus

EPIST. PAULI

Iesus Christus patri obtemperans. Meritum est sanguis Christi, hoc est, hostia propitiatoria, qua omnia peccata mundi expiantur, iuxta illud : Ecce agnus Dei, qui tollit peccata mundi. Item, Sanguis Christi emundat nos ab omni ἀνομία. Cum hoc precio pugnat vniuersa doctrina Patre, de satisfactionibus, meritis & indulgentiis &c. Redemptio huius satisfactorie hostie & fructus, est remissio peccatorum, hoc est, absolutio seu iustificatio à peccatis, quam oportet fide accipere. Hic rursus ruit, quicquid homines de salute consequenda comminiscuntur, extra Christum. Ad huius loci vberiore declarationem referatur tertium caput ad Romanos, ab hoc loco, Nunc autem sine lege iusticia Dei &c. vsq; ad finem capitis.

Qui est imago Dei inuisibilis.

Summam beneficiorum Christi proximè præcedente sententia complexus est, iam personæ descriptionem iustam aggreditur, ac Primum ostendit, quæ sit natura filij Dei. Deinde, quanta potentia sit ipsius, Tertio, quale sit regnum eius peculiare.

Vt

AD COLOSS.

Vt autem naturam filij Dei ostendat, vocat eum imaginem Dei, idq; non simpliciter, sed Dei inuisibilis. Hoc vt dextrè intelligamus, ordinè hæc excutienda sunt. Primum, quid sit imago in genere. Deinde, quid, quotuplexq; sit imago Dei. Tum, quomodo Christus sit imago Dei, & quomodo in Christo imagine Dei, Deus inuisibilis, reddatur quodammodo visibilis. Postremò, quid fides cùm doctrinæ tùm consolationis & exhortationis hinc capiat.

Imago quid sit, non est obscurum. Est enim rei alicuius expressio seu repræsentatio, idq; cùm in anima hominis, tùm extra animam. Cùm enim mens humana cogitat aliquid, imaginem quandam rei veluti pingit & delineat, vt quoties cogitat aliquis hominem notum absentem, mente quasi delineat corporis figuram, quam intuetur de absente cogitans. Ad eundem modum pictor manu exprimit delineamenta corporis, cuius imaginem pingit, vt absentis formam, quantum fieri potest, referat & repræsentet picta imago. Hanc esse propriam significationem imaginis manifestum est, quam appellationem verbum

EPIST. PAULI

bum Dei accommodat filio Dei, vt aliquo modo vmbraſ quasdam tenues tantæ rei cōſideremus, ac vocat imaginem Dei, quæ ipſum Deum repræſentat & refert. Sed hæc duplex eſt, naturalis nimirum, & gratuita. Naturalis Dei imago in ſolo Chriſto eſt, & eſt duplex, Eſſentialis, & per gloriam virtutis. Eſſentialis eſt eiſdem eſſentiæ cum patre, coæterna & coæqualis. Vt enim in nobis cogitatio format imagines rerum, de quibus cogitamus: Ita Pater æternus ſeſe ab æterno intuens & cogitans, gignit imaginem ſui. Sed nos non transfundimus ſubſtantiam in imagines illas in mente formatas, quæ reipſa ſunt ſubitæ & euaneſcentes actiones. At Pater æternus ab æterno gignit imaginem, communicata ipſi eſſentia. Hanc eſſentialem Dei imaginem, hoc eſt, Chriſtum dominum, Epistoſa ad Hebræos vocat characterem ſubſtantia Patris, hoc eſt, imaginem ſubſtantialem, qua filius eſt ὁμοῶςιος cum perſona patris, vocatur & λόγος eadem ratione. Vt enim in nobis imago concepta eſt λόγος, id eſt, verbum mentale: ita filius Dei λόγος eſt æterni patris, ineffabili ratione communicata eſſentia ab æterno. Imago Dei per gloriam virtutis
(quam

(qu
glor
per
& p
lun
tum
im
virt
man
imag
lippe
quor
Hila
ræ, re
milit
ſup
qua
dan
hæc
lis tr
enit
catio
Chri
gox
tian
ſecu

AD COLOSS.

(quam Epistola ad Hebræos ἀπαύγασμα
gloriæ vocat) est, quæ refulget in Christo
per operum diuinorum virtutem, in qua
& patris cœlestis potentia gloriosa, & vo-
luntas paterna conspicitur. Ita enim se to-
tum in Christo patefecit Deus, vt in ipso
immensam suam bonitatem, sapientiam,
virtutem ac εὐλαϊθροπίαν erga genus hu-
manum, in solidum declarauerit. De hac
imagine loquitur Dominus Iohan:14. Phi-
lippe, qui videt me, videt & Patrem. Et
quoniam virtutis similitudo (vt inquit
Hilarius) non potest esse dissimilis natu-
ræ, rectè ex virtutis similitudine essentiæ si-
militudo concluditur. Virtus enim Chri-
sti præsentis diuinitatis visibilis est imago,
qua Deus nobis, per se inuisibilis, quo-
dammodo redditur visibilis. Nec potest
hæc virtutis gloria Prophetis aut Aposto-
lis tribui, qui diuina opera ediderunt. Non
enim propria, sed Christi virtute & inuo-
catione id fecerunt, ad confirmandam
Christi gloriam. Atq; ita Christus est ima-
go æterna æterni Patris, primum per essen-
tiam, deinde per virtutis gloriam.

Porro, imago Dei per gratiam ea est,
secundum quam primus homo factus &
for-

EPIST. PAULI

formatus fuit, iuxta illud Genes. 1. Faciamus hominem in imagine nostra, & secundum similitudinem nostram. Hæc imago per lapsum Adæ abolita est, & à Christo rursus per regenerationis gratiam reparatur. Quarè ex reparatione iudicandum est, quid qualiscq; fuerit illa imago. Paulus ad Ephes. 4. in hunc modum scribit: Deponite iuxta priorem conuersationem veterem hominem, qui corrumpitur iuxta concupiscentias erroris. Renouamini verò spiritu mentis vestræ, & induite nouum hominem, qui secundum Deum creatus est, in iusticia & sanctitate veritatis. Et ad Coloss. 3. Exuentes veterem hominem cum actibus suis, & induentes nouum, qui renouatur in agnitione Dei, secundum imaginem eius, qui creauit illum. Ex his duobus Pauli testimonijs perspicuè intelligi potest, quid qualiscq; sit imago illa, iuxta quam conditus fuit primus homo, quæ eadem reparatur in homine per Christum. Primum itaq; hîc consideretur ἀντίθεσις noui & veteris hominis. Deinde quid singulis tribuatur, ex quibus clara concluditur imaginis definitio. Verus homo extra dubium est viciositas omnis, quæ irrepsit in hominem per lapsum Adæ. Nouus homo

homo
nasci
conc
buur
sancti
homo
homo
scitui
nem e
mens
temp
quiu
est su
Deur
um D
uius, i
ment
& co
volu
mus,
fidera
uor c
tis, co
viriu
form
dera
dē fi
one
cora

AD COLOSS.

homo est, qui per regenerationis gratiam nascitur. Veteri homini tribuuntur error, concupiscentia, prauæ actiones. Nouo tribuuntur agnitio Dei, mentis renouatio, sanctitas, iusticia &c. Cum ergo nouus homo ab imagine Dei dicatur, & nouus homo sit, qui ex regenerationis gratia nascitur, sequitur imaginis huius reparationem esse spiritualem regenerationem, qua mens agnoscit Deum, voluntas Deo obtemperat, & affectus omnes Deo in obsequium addicuntur. Proinde imago Dei est summa integritas mentis agnoscantis Deum, cordis obedientis Deo, & affectuum Deo subiectorum. Aut (si placet) breuius, in hunc modum: Imago Dei est vera mentis lux seu noticia de Deo, voluntatis & cordis conuersio ad Deum, ac libertas voluntatis, qua Deo liberè obtemperamus. Et debet hæc imago dupliciter considerari. Primum in Christo homine, id quod κατ' ἁλολω, & est summa integritas mentis, cordis, affectuum, atque adeo omnium virium in Christo homine, qua Deo conformis est. Deinde in alijs hominibus consideratur imago Dei, quæ in regeneratis quidē fit indies illustrior, post verò resurrectionem perficietur, quando non solū mente, corde & affectibus, verū etiam corporibus Christi-

EPIST. PAULI

Christo conformes erimus, quemadmodum Paulus 1. Corinth: 15. & ad Philip: 3. docet. Porro, quod Paulus 1. Corinth: 11. virum imaginem & gloriam Dei dicat, id alio fit sensu. Non enim pertinet ad sanctitatem & puritatem cordis, sed ad externam ordinationem Dei, qua vir mulierem antecellit, In qua re gloria seu imago Dei quodammodo conspicitur, quemadmodum in omni principatu.

Iam doctrinæ colligantur necessariae, cum ad nos confirmandos, tum ad confundendos aduersarios. Primum igitur ex eo, quod Christus dicatur imago Dei, qui est inuisibilis, colligantur duæ doctrinæ. Prior, quod Christus sit natura Deus, est enim naturalis & substantialis imago Dei. Deinde, quod Christus sit alia persona à Deo patre. Neque enim ipse sibi (inquit Hilarius) imago est quisquam, sed eum, cuius imago est, necesse est ut imago demonstret. Imago etenim est rei ad rem coæquandæ imaginata & indiscreta similitudo. Est ergo pater, est & filius, quia imago patris est filius. Et qui imago est, ut verè imago sit, speciem necesse est & naturam, & essentiam, secundum quod imago est, in se ha-

se ha
ut h
fidei
alios
perfo
& pic
get,
pecc
dies
magi
do in
que
mus

tura

atur
rura
enit
aure
tellig
& qu
rand
clud
vel
omr
omn

AD COLOSS.

se habeat auctoris. Hæc Hilarius. Præterea, ut hic locus confirmat articulum nostræ fidei de filio Dei: Ita refutat Arianos & alios hæreticos, qui de Christi natura & persona peruersè docuerunt. Consolatur & pios hic locus, & fiduciam in ipsis auget, quòd verè sint recepturi amissam per peccatum imaginem Dei. Monetq; ut indies studeamus, quòd hæc imago magis magisque in nobis refulgeat, quod sit quando innocentia, iusticia, sanctitati, reliquisque virtutibus Christum induiti, studebimus.

Primogenitus omnis creaturæ.

Ut natiuitatem Christi æternam à creaturæ factura secernat, ante omnem creaturam eum genitum testatur. Dicitur enim primogenitus omnis creaturæ, quia ante omnem creaturam genitus. Vnde intelligitur & æterna eius à Patre genitura, & quòd minimè inter creaturas sit numerandus, ex quo eius vera diuinitas concluditur. Quicquid enim rerum existit, vel in creaturis ponendum est, vel extra omnem creaturam. Si est extra creaturam omnem, fuisse necesse est ante omnem crea-

D turam,

EPIST. PAULI

turam, quod soli æterno Deo conuenit, qui est Pater, λόγος & Spiritus sanctus. Quare, cum filius Dei hinc primogenitus omnis creaturæ dicatur, Sequitur eum minime in creaturarum album cogendum esse, ut qui veluti primogenitus: ita & vnigenitus sit filius Dei, solus ab essentia Patris ab æterno genitus. Hinc igitur obseruamus discrimen inter Christum & creaturas. Item inter Christum filium Dei vnigenitum, & alios non natura, sed adoptione filios, qui nascuntur quidem à Deo, non tamen à substantia Dei, sed per regenerationis gratiam cum in Deum credunt, Ioan. i. Dedit potestatem ut filij Dei fierent, qui credunt in nomen eius. Hi ergo incipiunt esse filij, qui antea non erant. Ille primogenitus ac vnigenitus Dei filius ab æterno est æternus filius per naturam.

Quoniam in ipso creata sunt omnia.

Ratio proximè præcedentis propositionis ab ordine causarum & effectuum. Omnia per ipsum creata sunt. Ergo ipse est ante omnia. Neque enim fieri potest, ut causa suus effectus sit prior. Præpositio

¶

AD COLOSS.

¶, hic pro *διὰ* ponitur, mox enim eandem sententiam repetens *διὰ* & *ὅτι* dicit, ut ad causam efficientem referatur seu medium, per quod omnes res sunt conditæ.

Quæ in cœlis & quæ in terra.

Amplificat rationem diuisione generis, quæ diuisio ab applicitis seu locis rerum creatarum sumta est. Nam cœlum & terra receptacula sunt creaturarum.

Visibilia & inuisibilia.

Subdiuisio à rerum qualitate. Quicquid rerum est cùm visibilium, tùm inuisibilium in cœlis & in terra, per Christum conditum esse.

Siue throni, siue dominationes, siue principatus, siue potestates.

Omissa priori rerum, nempe visibilium specie, alteram, quæ est rerum inuisibilium subdiuidit, ne quis eximeret angelos, aut alias creaturas eximias Dei inuisibiles. Ponit autem hic quatuor voces, quarum Primum significata assigna-

D 2 bo.

EPIST. PAULI

bo. Deinde, quid Paulus ex his concludi velit, ostendam. ἑρὸν proprie significat sellam seu sedile, deinde κατ' ἄλογον folium iudiciarium, seu palatium regale, unde metonymicè ipsam regiam dignitatem significat. Psalm: 44. Thronus tuus Deus in seculum seculi. Interdum per thronos, maiestatis diuinæ nuncios, nimirum angelos intelligunt, quemadmodum hunc præsentem locum veteres interpretantur. Reliquæ tres voces sunt, dominationes, principatus, potestates, quarum Prima significatur relatio superiorum ad inferiores, qua domini subditis dominantur & imperant. Altera significatur principatus ipse seu eminentiæ dignitas. Tertia, ius imperij notatur. His appellationibus non distinguuntur angelorum ordines, sed potentia & gloria Dei indicatur, qui per angelos agit. Hi ideo potestates, dominationes & principatus dicuntur, quia exercent potestatem sibi à Deo datam per Christum, per quem creati sunt. Sed quò hæc spectant? Paulus hac distributione omnes creaturas in ordinem cogit, & subiicit ei, per quem omnes creaturæ sunt conditæ, id quod ut emineat diuina Christi gloria, qui est primogenitus omnis creaturæ.

Omnia

sum
omn
stun
F
to vr
creatu
simul
dam, c
seritur
mum
ipsius
quod
gloria
ipsum
ria C
rum
omni
collig
confil
tia, q
seruat
um
tiam
nos
re, &

AD COLOSS.

Omnia per ipsum & in ipsum
creata sunt, & ipse est ante
omnia, & omnia in ipso consi-
stunt.

Post distributionem, ad genus addi-
to vniuersali signo, redit, ne quis vllam
creaturam ab imperio Christi exciperet, &
simul est congeries attributorum quorun-
dam, quibus diuinitas & gloria Christi as-
seritur, & quatuor Christo tribuuntur. Pri-
mum, quod omnia sunt per ipsum: vnde
ipsius diuina potentia astruitur. Deinde,
quod omnia sunt in ipsum, id est, in ipsius
gloriam & laudem, seu in eum finem, vt
ipsum glorificent & celebrent: vnde & glo-
ria Christi diuina, & finis rerum condita-
rum concluditur. Tertio, quod sit ante
omnia: vnde rursus æterna eius diuinitas
colligitur. Quarto, quod omnia in ipso
consistant: vnde ipsius æterna prouiden-
tia, qua omnes res, quasq; in suo statu con-
seruat, commendatur. Hæc omnia iudici-
um nostrum de filio Dei formare ac fidu-
tiam in ipsum alere debent, vt cogitemus
nos ortum nostrum per Christum habe-
re, & eò conditos esse, vt ipse à nobis glo-

D 3 rificet

EPIST. PAULI

rificetur. Hunc nostræ conditionis finem Diabolus impedire conatus, hominem in peccatum pertraxit, unde rursus liberamur credentes per eundem, per quem primum creati sumus. Quare, Christo non solum primam creationem, verum etiam *παλιγγενεσία*, qua efficimur filij Dei, debemus.

Et ipse est caput corporis Ecclesiae.

Ostendit, quæ sit natura filij Dei, quantaq; potentia & gloria, nunc quale sit eius regnum peculiare in Ecclesia, declarat. Ac primum vocat ipsum caput corporis Ecclesiae, qua appellatione quatuor nobis expendenda insinuantur. Primum, qualis nam sit mystica illa coniunctio Christi cum Ecclesia. Secundum, quanta Ecclesiae beneficia à Christo capite conferantur. Tertium, imperium Christi in Ecclesia. Quartum, qualis nam sit unio membrorum, seu quomodo in corpus Ecclesiae reponamur, coalescamus ac crescamus.

Quantum quidem ad primum attinet, hoc tenendum est. Quemadmodum caput naturale certis iuncturis, cum suo
corpo-

corpo
& he
ri su
est.
pit. N
clesia
put c
poris
cruce
mitat
aliqu
ficabi
glori
arum
(
Chri
mod
ta, in
suar
Ecc
tam
est. S
uos e
mnil
pro
Chri
suo
ctus

AD COLOSS.

corpore coniungitur : Ita Christus Deus & homo, arcano quodam vinculo, corpori suo mystico, quod est Ecclesia, iunctus est. Vnde fides geminum fructum percipit. Nam inde & affectum Christi erga Ecclesiam discit. Quemadmodum enim caput corpori prouidet : Ita Christus sui corporis curam gerit, & consolationem sub cruce perit. Vt enim ipse ab omnibus calamitatibus gloriosè liberatus est : Ita & nos aliquando cum capite liberamur & glorificabimur. Neq; enim fieri potest, vt caput glorificatum, sua membra in perpetuis ærumnis relinquat.

Quanta igitur sint beneficia, quæ Christus suæ Ecclesiæ præstat, quodammodo hîc similitudine, quamuis implicite, insinuatur. Vt enim corpus omnem suam vitam ac vigorem ducit à capite: Ita Ecclesia salutem omnem ac uigorem & vitam capiti Christo acceptam ferat, necesse est. Seu quemadmodum spiritus per neruos à cerebro ipso descendens, sensum omnibus membris alioqui inefficacibus, pro cuiusq; proportionem communicat : sic Christus nos sua membra alioqui mortua, suo spiritu viuificat, vt iam viuî facti fructus spiritus edere valeamus. Hinc vt fi-

EPIST. PAVLI

des salutem omnem ac vitam in solo Chri-
sto residere: Ita in solum illum omnem fi-
duciam collocare discit.

Imperium Christi in Ecclesia est velu-
ti capitis in corpus. In Ecclesia enim seu
in regno spirituali præsidet hic monarcha
Iesus Christus, qui solus in regno suo ἀντι-
πέντωθ' est. Ex quo fides non solum
colligit falli omnes, qui Ecclesiæ aliud esse
caput quàm Iesum Christum sentiunt, ve-
rum etiam monetur, ut subiiciat se huic Mo-
narchæ, eiq; seruiat in iusticia & sanctitate,
omnibus diebus vitæ suæ.

Corporis igitur metaphora significa-
tur, qualis nam sit vnio Ecclesiæ, & quo-
modo in corpus Ecclesiæ aptemur, coale-
scamus & crescamus. Hanc vnionem,
hanc mutuam connexionem & incremen-
tum Paulus ad Ephes. 4. his verbis descri-
bit: Adolescamus in eum per omnia, qui
est caput, nempe Christus, ex quo totum
corpus compositum & compactum, per
omnem iuncturam subministrationis, se-
cundum efficaciam in mensuram vniuscui-
usq; partis, incrementum corporis facit,
in ædificationem sui in caritate. Hic Pau-
lus vocat Ecclesiam corpus, non quoduis,
sed

sed c
stoli
est,
mer
neq;
voce
dam
sti, h
com
pluo
subij
nis, h
tibu
car d
à cap
nefic
hære
mo
mer
re d
myfi
perci
est, &
tum,
dici
exen
gul

AD COLOSS.

sed compositum, seu ut significantius Apostolus loquitur, σωαρμολογέμενον, hoc est, ita constructum, ut apta proportionem membra sibi mutuò cohæreant, concinneque respondeant. Significatur igitur hac voce, membrorum inter se relatio quædam, & proportio debita in Corpore Christi, hoc est, Ecclesia. Deinde, idem corpus compactum esse dicit, græcè συμβιβασμένον, id est, ita connexum, ut aptè capiti subiiciatur per iuncturam subministratio- nis, hoc est, per iuncturas, quibus median- tibus, unum membrum alteri communi- cat & subministrat vitalem spiritum, qui à capite per omnia membra corporis be- neficio iuncturarum (quibus membra co- hærent) diffunditur, idque efficaciter pro modo cuiusque membri. Ut enim alia membra plus quàm alia de spiritu ex capi- te descendente percipiunt : Sic membra mystici corporis Christi, ex spiritu Christi percipiunt, prout singulis commodum est, & utile ad totius corporis incremen- tum. Quod quidem corpus tum crescere dicitur, cum in noticia Christi & pietatis exercitijs maiora incrementa sumunt sin- guli Christiani.

Ex his iam patere existimo, quantam

D 5 doctri-

EPIST. PAULI

doctrinam contineat in se breuius hæc Pauli propositio: Christus est caput corporis Ecclesiæ, vnde in genere confirmatur articulus fidei nostræ de Ecclesia, Et admonemur, vt fide Christo capiti adhæreamus, ac mutus dilectionis officijs inter nos coalescamus.

Ipse est principium, primogenitus ex mortuis.

Hanc propositionem in hunc modum resoluit Athanasius: Principium resurrectionis est ille, quia primus omnium resurrexit, & quia dolores mortis dissoluit, meritò primogenitus dicitur. Vocabulum ἀρχῆς potest accipi pro primitijs, vt sit allusio ad frugum primitias, quæ Domino offerebantur in veteri testamento. Ac tunc potest resolui propositio in hunc sensum, vt manipulo aliquo primitiarum oblato, reliquæ messi benedicebatur: ita vno Domino resurgente tanquam patri cœlesti oblato, vis viuifica resurrectionis Christi ad nos omnes diffunditur. Vt velut is nunc resurrexit: ita & nos suo tempore resurgamus. Duabus igitur de causis dicitur principium, seu primitiæ, seu primoge-

mog
ipse
turu
ctio
Vno
rith
rum
rum
quod
tor n
est ge
hinc
de q
ad v
ad p
ctior
recti
detr
ratio
stren
miss
terea
conti
quod
taren
nost
viu
lanc

AD COLOSS.

mogenitus mortuorum. Primum, quia ipse primus resurrexit, non amplius moriturus. Deinde, quia virtus nostræ resurrectionis in Christi resurrectione includitur. Vnde firma est consequentia Pauli 1. Corinth: 15. Si Christus resurrexit, mortuorum erit resurrectio Est enim ipse mortuorum primitiæ. Hinc Primum discamus, quod quemadmodum Christus est creator rerum omnium: ita quoque reparator est generis humanis. Deinde confirmetur hinc articulus resurrectionis mortuorum, de qua dum cogitamus, respicere oportet ad verbum promissionis de resurrectione, ad potentiam Dei & ad primitias resurrectionis, in quibus primitiis & nostra resurrectio sanctificata est. Horum primum fidem resurrectionis docet: Medium cœcæ rationis absurda argumenta evertit. Postremum demonstratio euidens est promissæ resurrectionis & exemplum. Præterea sit hic locus auxiliare pharmacum contra omnes æumnas præsentis vitæ, quod sit dum rectè meditamur hanc salutarem resurrectionem, per totam vitam nostram, resurgendo quidem à peccato, viuendo verò in nouitate vitæ, & anhelando ad immortalitatis gloriam. Est enim
 spiri-

EPIST. PAULI

spiritualis regeneratio, meditatio futuræ resurrectionis & æternæ beatitudinis credentium, quæ resurrectionem sequetur. Contrà moneantur impœnitentes de æternis supplicijs, quæ sine fine luent, nisi hîc per pœnitentiam ad Deum fuerint conuersi.

Vt sit in omnibus ipse primatum tenens.

Quò pertineant ea, quæ dixerat, ostendit, & colligit Christum, dominum & principem esse vniuersorum, vt qui ante omnia natus ex Deo, cuncta creauerit, qui accepta carne, de virgine natus sit, deinde & mortuus, vt Ecclesiæ caput esset, qui resurrexit, vt quæ primum creauerat, iterum recrearet & reformaret, vt semper sit in omnibus primus ac princeps agnoscendus & colendus. In Christi igitur honorem sacrilegè perrumpunt, qui creaturis hanc Christi gloriam tribuunt.

Quoniam in ipso complacuit omnem plenitudinem inhabitare.

Ratio

AD COLOSS.

Ratio primatus Christi in Ecclesia.
 Placuit Deo patri omnem plenitudinem,
 id est, ipsum fontem omnium bonorum,
 sapientiæ, iusticiæ, sanctitatis & salutis ha-
 bitare in Christo. Igitur iure primatum in
 Ecclesia sibi vendicat. Hæc confirmant
 doctrinam Ecclesiæ contra iusticiarios, qui
 aliundè petunt iusticiam & salutem, quàm
 ex plenitudine hac, quæ in Christo inha-
 bitat. Nam si omnis plenitudo habitat in
 filio, ut omnes ex eo sumamus, sequitur
 non solum ipsum vnicum salutis autorem
 in se credentium esse, verum etiam quòd
 gloriæ & honori Christi detrahant, quot-
 quot aliunde vel minimam salutis parti-
 culam quærendam docent. Si enim vlla
 bonorum aut salutis pars esset extra Chri-
 stum quærenda, perperam Paulus omnem
 plenitudinem Christo tribendam prædi-
 caret. Quare, in hunc solum firma fiducia
 recumbamus, & hauriamus omnia bona
 ab hoc omnis bonitatis fonte.

Et per ipsum omnia reconcilia-
 re sibi.

Quid fructus ex plenitudine omnium
 bonorum in Christo habitante ad Eccle-
 siam perueniat, hac propositione docet.
 Pleni-

EPIST. PAULI

Plenitudo enim illa eò pertinet, vt per CHRISTVM Pater cœlestis offensus, reconcilietur cum homine. Est ergo hic honos reconciliationis soli Christo tribudus. Quare errant omnes, qui Deum placari putant alia quavis re, quàm per vnicum filium.

Pacificans per sanguinem crucis eius per ipsum.

Modum reconciliationis exprimit. Per sanguinem crucis, ipsam Christi victimam & obedientiam intelligit, quæ est λύτρον & precium redemptionis seu reconciliationis nostri cum Deo. Hinc canunt Angeli nato Christo, **Gloria in excelsis Deo, in terra Pax.** Hæc pax est mutuus consensus Dei & hominis : Dei quidem, remittis offensam, propter victimam & interpellationem mediatoris Iesu Christi: Hominis verò accipientis fide oblata remissionem offensæ. Vnde ad Deum accessum nactus homo, huius pacis fructum expectat vitam æternam.

Siue quæ in terra, siue quæ in coelis sunt.

Quo-

facta
nim
per
gelos
confu
extra
homi
beran
tur, v
conce
parta
I
abal
peri
uit,
mo
ad
plicat
vt di
quam
collat
nis e
catic
per

AD COLOSS.

Quousq; se pacificatio per Christum facta extendit, distributione hac indicat, nimirum quòd ad homines & angelos pertineat, sed diuersimodè. Vt enim angelos mutationi & defectiioni obnoxios confirmat, quòd perpetuum suum statum extra defectiionis periculum retineant: Ita homines cum à perditione commerita liberantur, tum beatitudine æterna donantur, vt ita in cœlis & terra firma stet pax & concordia, per Christum pacificatorem, parta.

Et uos, qui aliquando eratis abalienati & inimici sensu in operibus malis, nunc reconciliauit, in corpore carnis suæ per mortem.

Accommodat doctrinam generalem ad ὑπόθεσιν. Ipsi enim Colossensibus applicat beneficia Christi, quæ recensuit. Et vt diligentius perpendant Colossenses quanta bona per Christum consecuti sint, collationem duplicis status seu conditionis eorum adhibet. Ante quidem pacificationem peractam per Christum, sibiq; per prædicationem communicatam, fuerunt

EPIST. PAULI

runt vt reliqui, abalienati & inimici Dei, idq; sensu seu cogitatione & voluntate, id quod satis ipsorum praua opera docebant, quæ non nisi ex prauo sensu & voluntate à Deo auersa proficisci potuerunt. Pacificatione verò facta ac communicata ipsis per Euangelium, reconciliati sunt, hoc est, ad Deum conuersi, atq; adeo ipsius amici facti sunt, per corpus Christi humanum in mortem traditum, ad expianda hominum peccata.

Sine itaq; Christi victima abalienati sunt homines à Deo, eiusq; inimici censentur. Contrà verò per victimam Christi, dum in ipsum creditur, amici imò filij Dei efficiuntur homines. Admoneat igitur hic locus nos cum nostræ miseræ, tum felicitatis. Miseriæ quidem, dum extra Christum erramus, hostes & inimici Dei, destinati pœnis æternis. Felicitatis verò, dum Christum reconciliatorem firma fide apprehendimus, per quem æternæ beatitudinis efficimur consortes.

Vt exhiberet uos sanctos & immaculatos & irreprehensibiles coram se,

Ad

AD COLOSS.

Ad quid reconciliemur Deo per Christum docet, nimirum ut sistamur coram Deo sancti, immaculati & irreprehensibiles. Quibus verbis breuissimè describit qualis nam Christiana vita esse debeat. Primum requiritur sanctitas, qua Deo approbamus, dum purificati fide Deo verum cultum præstamus, relictis Ethnicis & prophanis erroribus. Deinde, ut simus ἄμωμοι, id est, immaculati, dum videlicet bonam conscientiam apud nos ipsos retinemus, exuto corpore peccati. Tum, ut simus irreprehensibiles, græcè ἀνέγκλητοι, id est, tales in quos nemo iure ullum crimen possit impingere, seu qui nihil admiserunt, cuius ob causam in ius vocari debeant. Has tres vitæ Christianæ partes ad Titum 2. modestiæ, iusticiæ & pietatis appellationibus intelligit. Hinc primum discamus, cum reconciliationis beneficio coniunctam esse gratiam regenerationis spiritualis. Nam ut Christus est nobis à Deo natus iusticia: ita etiam sanctificatio, quæ in vitæ nouitate relucet. Non igitur consequimur remissionem peccatorum, ut postea veluti laxatis frenis ruamus præcipites in quæuis flagitia, sed simul donamur Spiritu sancto, per quem

E rege-

EPIST. PAULI

regeneramur indies magis magisq̃. Proinde hæc duo obseruemus. Vnum, quòd sine reconciliatione nemo ad innocentiam peruenire verè possit. Alterum, quòd vitæ nouitas seu regeneratio, vt perpetuò reconciliatione coniuncta est: ita firmissimum reconciliationis factæ indicium existit. Vbi enim iuxta carnem viuitur, ibi spiritus dominium nullum est.

Siquidem permanetis in fide fundati & firmi, & non dimouemini à spe Euangelij, quod audistis, & quod prædicatum est apud uniuersam creaturam, quæ sub cœlo est, cuius factus sum ego Paulus minister.

Quomodo rata sit futura reconciliatio, & quomodo sanctitati & innocentiae studere possint Colossenses, his verbis docetur. Requiritur enim ad vtrumq̃ fidei stabilitas & perseuerantia in doctrina Euangelij, vnde spes salutis concipitur. Obseruandum hîc Primum, quòd vt fidem facit instrumentum, quo reconciliatio recipitur

AD COLOSS.

pitur & possidetur: ita eandem omnis sanctitatis & innocentiae fundamentum constituit, cum qua fide coniuncta est spes Evangelij, id est, spes salutis, quam Evangelium prædicat. Deinde obseruetur contra Stoicas imaginationes de prædestinatione, quod in fide fundati & iustificati, possint relabi in pristinam impietatem, & ita salute excidere, Roman: 11. Vnde monemur, ut qui primitias fidei percepimus, strenue pergamus, ac usque ad finem constanter adhæreamus doctrinæ Evangelij, unde fides, operante Spiritu sancto, concipitur, alitur & augetur, modo ipsi malignè non resistamus spiritui Dei. Præterea dum inquit: Quod prædicatum est apud omnem creaturam, illud Evangelium commendat, quod ab Epaphra acceperant, ad quod prædicandum ipsi Christi Apostoli in uniuersum orbem missi sunt, cuius ministrum ipse Paulus se esse fatetur, Quod eò pertinet, ut Colossenses permaneant in accepta per Epaphran doctrina, nec sinant se Pseudoapostolorum imposturis à vero Evangelio abduci, tanquam aliud Paulus cæteri que Apostoli, aliud Epaphras docuisset. Est enim valde utile audire diuersarum Ecclesiarum ministros in doctrina

E 2 con-

EPIST. PAULI
consentire. Non enim parum confirmat
Ecclesias videre consensum docentium.

Nunc gaudeo in passionibus
meis pro uobis.

Prolepsis quodam anticipat obiectionem, quæ ex cruce Pauli extrui poterat, ad extenuandam ministerii ipsius auctoritatem. Solent enim homines res ex præsentis euentus estimare. Dicit igitur se gaudere in passionibus, quas perfert pro Colossensibus erudiendis, fouendis ac confirmandis in sana doctrina. Quod quidem exemplum ministris uerbi duo commendat. Vnum, ut nullum periculum detrectent subire pro ædificanda Ecclesia. Alterum, ut gaudeant contra carnis sensum, quoties crucem Euangelii promouendi gratia ferre coguntur.

Et adimpleo ea, quæ desunt
afflictionibus Christi, in carne
mea.

Ratio est propositionis à passionis suæ
communione. Se enim conformem ac so-
cium Christi, dum patitur, statuit, quæ sa-
nè

AD COLOSS.

nè maxima est gloria . Quarè meritò gaudet Paulus, quòd per suas afflictiones redatur conformis imaginis filij Dei . Discant hinc primum ministri verbi, deinde omnes pñ, summam gloriam apud Deum reputari, si quis pro Euangelio ac pietate patiat. Hoc enim pacto conformes imaginis filij Dei efficiuntur. Quod sanè certum argumentum est, fore, vt aliquando cum Christo percipiant læta, qui hñc vt membra ipsius patiuntur aduersa. Porro, ne contra ἀναλογία fidei, cum Sophistis hñc impingamus, cauendum est. Illi enim vrgentes τὸ ῥητόν, ex hoc loco inferunt & concludunt sanctorum martyria (quæ thesaurum Ecclesiæ vocant) esse propiciatoria, vt quæ peccata hominum suo merito expient . Sed eos peccare contra fidei nostræ analogian manifestum est. Paulus implet ὑποδήματα afflictionum Christi in carne sua, dum vt membrum Christi patitur. Hñc enim Christi nomine totus Christus, cum suo corpore mystico, intelligendus est. Vt I, ad Corinth: 12. cum dicit, rem in Christo se habere, vt in humano corpore. Vbi manifestum est Christi nomine intelligi, non solum ipsum caput, sed etiam corpus totum mysticum, hoc est, Ec-

EPIST. PAULI

clesiam. Tantisper igitur deest aliquid afflictionibus Christi, donec aliquis sanctorum superfuerit in mundo, qui ut membrum corporis cum capite feret æumnas, donec vnà cum capite glorificetur. Sensus, quem his verbis assuunt Sophistæ, claris scripturæ dictis refutatur. Si enim Christus est agnus tollens peccata mundi: Si sanguis ipsius purgat nos ab omni iniquitate: Si in ipso habitat omnis plenitudo: Si vnica oblatione perfectos efficit in perpetuum eos, qui sanctificantur, Sequitur passiones Pauli & aliorum martyrum nequaquam esse expiatorias. Illorum enim afflictiones singulares fuere, non pro alijs meritoria.

Pro corpore eius, quod est Ecclesia.

Causam præsentis suæ afflictionis exprimit. Dicit enim se pati pro corpore Christi, non quidem redimendo, sed ædificando per suum ministerium, vnde subdit:

Cuius factus sum minister,
secundum dispensationem Dei,
quæ

AD COLOSS.

quæ data est mihi erga uos.

In græco relatiuum fœmininum est. Cuius, subaudi Ecclesiæ minister sum. Et est ratio, cur pro Ecclesia patiatur, nimirum quia minister est Ecclesiæ, ex Dei dispensatione. Proinde non expiationis, sed ministerij gratia patitur Paulus.

Ad implendum sermonem Dei.

Finis ministerij Paulini, continens argumentum commendationis Euangelij ab autore. Implendi verbo significat Paulus prædicationis diligentiam & industriam ministris verbi imitandum.

Mysterium reconditum à seculis & à generationibus.

Ne quis Euangelium ut nouum doctrinæ genus contemneret, ab antiquitate illud commendat, item à dignitate seu excellentia. Cur autem Euangelium mysterium dicatur, pluribus in Epistolam ad Ephes. i. explicatum est. Sed tota res huc redit, quod Euangelium ideo mysterium dicatur, quia si vniuersum orbem in se

E 4 respi-

EPIST. PAULI

respicias, planè ignarus est huius doctrinæ. Non enim humanis aut physicis rationibus, hæc doctrina inuenta est, sed ex sinu æterni Patris allata ministerio Spiritus sancti dicitur. Deinde si confers tempus ante Christum exhibitum cum tempore manifestati Christi, haud immeritò relatione prioris temporis mysterium appellatur Euangelium. Ante enim Christum exhibitum sub obscuris verborum & ceremoniarum inuolucris significabatur, Sed Christo exhibito plena claritate hæc cœlestis doctrina affulsit, ac nunc per prædicationem in salutem credentium, suos radios in vniuersum orbem transmittit. Hinc moneamur cùm gratitudinis erga Deum, qui hoc suum arcanum nobis reuelauit in salutem nostrâ, qui orandus est, vt suam cœlestem doctrinam in scholis & in templis inuiolatam conseruet, tùm reuerentiæ erga hanc cœlestem doctrinam, vt ad ipsius lectionem & meditationem adferamus mentem puram, & rebus quæ traduntur attentam.

Nunc autem patefactum est
sanctis illius, quibus uoluit Deus
us no

us
tiæ
ge
uelat
lario
rum
sum,
quan
Euar
Don
nem
gum
ta ex
finar
alijs
lij cl
hac
hunc
ingra
dolor
um t

exp

AD COLOSS.

us notum facere, quæ sint diuinitæ gloriosi huius mysterij intergentes.

Ne quis humanis meritis ascribat reuelationem huius mysterij, causam reuelationis addit voluntatem seu beneplacitum Dei. Vnde nos discamus non ad casum, non ad hominum industriam referre, quando in his aut alijs regnis audimus Euangelij verbum sonare. Vtitur quidem Dominus ad Euangelij sui manifestationem ministerio hominum, vt piorum regum & ministrorum Euangelij, sed res tota ex beneplacito Dei dependet. Vnde definamus mirari, cur nobis hodie & non alijs multis inclytitis regnis tanta Euangelij claritas affulgeat, Et gratias Deo pro hac sua luce agamus, simulq; grati, ne hunc thesaurum à nobis propter nostram ingratiitudinem auferat, cuius rei (proh dolor) plurima exempla historiæ omnium temporum continent.

Qui est Christus in uobis.

Interpretatio est. Nam vno verbo exprimit quodnam sit illud mysterium

E 5 glo-

EPIST. PAULI

gloriosum, nimirum Christus, qui possidetur fide. Porro, cum Christum nominat, duo intelligit. Primum, salutarem eius noticiam. Deinde, fiduciam ex notitia manantem. Notitia in tribus consistit. In naturam diuinæ & humanæ intelligentiæ. In personæ unitate, & in officij personæ cognitione. Fiducia talem eum sibi persuadet, qualis per Euangelium prædicatur, iuxta illud Iohan: 3. Hoc est præceptum eius, ut credatis nomini filij eius Iesu Christi, vnde nascitur fructus interior & exterior, qui timoris Dei seu cultus diuini nomine significatur.

Spes gloriæ.

Cum Christum spem gloriæ dicit, Primum significat in illo solo gloriandum esse, ut in eo, per quæ olim gloriam æternam consequemur, vnde omnia humana merita, omnes prærogatiuæ carnis conticescant oportet, ut qui gloriatur, in Domino gloriatur. Deinde colligitur ex his verbis, quod in hoc mundo non plenè hæc gloria possideatur, sed expectetur. Ex quo rursus monemur, ut hac spe contenti, totis viribus contendamus in salutis cursu, ut pro-

posi-

A D C O L O S S.

positam in Christo gloriam tandem consequamur. Tamen si autem hinc fide possidetur Christus: tamen nondum apparuit quales nam futuri simus, quam gloriosi, ubi ille apparuerit. Possidemus quidem Christum gloriam nostram, dum in ipsum credimus, etsi imperfectius, quia sub cruce in carnis infirmitate, sed peracta resurrectione mortuorum, solida Christi gloria in nobis fulgebit.

Quem nos prædicamus.

Obiectum igitur Euangelij solus Christus est, hunc prædicare oportet, quod sit dum ipsius verbum sincerè citra corruptelas hominum annunciatur.

Admonentes omnem hominem, & docentes omnem hominem, in omni sapientia.

Modum prædicationis Apostolicæ attexit, cuius duas partes facit, Admonitionem & Doctrinam. Admonitio ad audiendum verbum inuitat, consolatur, obiurgat, instigat & excitat auditorem, & eò pertinet, ut doctrina ipsa radices agat in cordibus hominum, quò sistatur omnis homo,

EPIST. PAULI

homo perfectus coram Deo. Doctrina autem est Legis & Euangelij, Item aliorum locorum, qui ad Legis & Euangelij vim explicandam pertinent. In omni sapientia, id est, plena & absoluta sapientia de salute per Christum consequenda. Sic enim Paulus sæpe Hebræorum more utitur voce omnis, id quod suprà aliquoties admonui. Obseruandus imprimis hic locus est. Confirmat enim & confutat. Confirmat pios, qui ex verbo Dei solo petunt salutis scientiam. Confutat aduersarios, qui Ecclesiæ Dei humana placita obtendunt, oppressa Euangelij puritate.

Vt sistamus omnem hominem perfectum in Christo Iesu.

Finis prædicationis, & effectus veræ sapientiæ, quam ex prædicatione consequimur. Vt enim finis prædicationis est, ut sapientia hæc solida ac cœlestis, omnibus hominib, prædicetur, quod mandato Christi etiam confirmatur, dicentis: Ite in mundum &c. Ita effectus huius sapientiæ est, omnem hominem sisti perfectum coram Deo in Christo Iesu. In solo enim Christo

sto sit
tum
quide
hac v
nostra
sti per
puro
ut fin
possim
bere, v
ab ob
imped
hæc p
quàm
mum
destina
quitur
inde,
minu
tiam c
ma Cl
perfect
tur err
rebus
cant.

sto sita est Christianorum perfectio, in quo
tum demum perfecti sumus (quantum
quidem ad perfectionem attinet, quæ in
hac vita contingere potest,) dum agnita
nostra in nobis ipsis imperfectione, Chri-
sti perfectionem fide possidemus, dumq[ue]
puro colendi Deum affectu ducimur, ita
ut simplici integritate præditi, testari
possimus nos hoc præcipuè in votis ha-
bere, ut Deo placeamus, non sinentes nos
ab obedientia Dei ullis terrenis rebus aut
impedimētis auocari. Estimanda est igitur
hæc perfectio non tam à nostra qualitate,
quàm ab imputatione diuina. Hic Pri-
mum colligamus prædicationem verbi
destinatam esse omnibus, ex quo conse-
quitur, Deum omnium velle salutem. De-
inde, quia non omnes saluantur, id fieri ho-
minum culpa, qui hanc cœlestem sapien-
tiam contemnunt. Præterea, quæ sit sum-
ma Christianorum sapientia, nempe sibi
perfectum in Christo Iesu, vnde confuta-
tur error omnium hominum, qui in alijs
rebus extra Christum perfectionem collo-
cant.

In quod etiam laboro, decer-
tans

EPIST. PAULI
tans iuxta efficaciam eius, ope-
rantem per me potenter.

Suam diligentiam & efficacem Dei in
se operationem in suo ministerio ideò com-
mendat, vt & alios suo exemplo excitet, &
omnem gloriam vni Deo vendicet. Labo-
rare dicit se decertando contra aduersarios
sanæ doctrinæ, idq; cum fructu, per virtu-
tem eius, qui in se potenter agit. Admone-
antur igitur hinc ministri Euangelij, cum
quòd otio & ignauia nihil promoueatur
(labor enim magnus requiritur) tum quòd
irritus sit omnis labor futurus, nisi suam
efficaciam largiatur Dominus perpetuò
implorandus, vt virtutem euangelizanti-
bus largiatur.

CAPVT SE- CVNDVM,

Et tertia pars Epistolæ.

SVMMA CAPITIS SECVNDI.

Hor-

AD COLOSS.

Hortatur Paulus Colossenses, ne ullis imposturis finant se abduci à fide in Christum, præsertim cum in eo solo omnis plenitudo scientiæ salutaris reperiatur.

ORDO ET PARTES CAPITIS SECUNDI.

IN hoc secundo capite tertiam Epistolæ partem aggreditur Apostolus, quæ (ut suprà dixi) continet disputationem contra insidias veræ doctrinæ per abusum philosophiæ, contra Mosâicos ritus & humanas traditiones. Breuiter, contra omnes veræ doctrinæ corruptelas. Et hæc pars toto hoc secundo capite absoluitur. Verum ut ordo capitæ & œconomia disputationis illustrior habeatur, obseruetur imprimis occasio, quæstio principalis, finis seu scopus, & tractationis ordo. Occasionem in principio ostendi dedisse falsos doctores, qui sua in agro Domini cœperant zizania spargere, videlicet philosophicas fraudes & corruptelas ex cacozelia veteris legis de cibo, potu, festis &c. Quæstio proinde principalis est, num Colossenses, qui rectè didicerant Christum, nunc debeant quoq; humanas traditiones & cultus lega-

les

EPIST. PAULI

les recipere, nec ne. Paulus negatiuam
quæstionis thesin assumit probandam,
videlicet quòd non debeant Christiani
traditiones humanas aut legales recipere,
idq; propter has causas. Vt pura maneat
doctrina Euangelij absq; fermento huma-
narum traditionum. Vt honos suus Chri-
sto seruetur integer, vtq; certa sit anima-
rum salus, quæ per vnum Christum con-
tingit. Porro, tractationis ordo naturalis
est. Nam quatuor partibus præsens dispu-
tatio absoluitur, Exordio, Propositione,
Confirmatione, Conclusionem. Quæ partes
ita prorsus ordinantur & explicantur, vt
iusta methodus & docendi ratio requirit.

EXEGESIS CAPITIS SECUNDI, CVM OBSER- *uatione doctrinarum.*

Volo autem uos scire, quan-
tum certamen sustineam pro uo-
bis, & ijs, qui sunt Laodiceæ, &
quotquot non uiderunt faciem
meam in carne.

Pro-

AD COLOSS.

Propositio exordij est, in quo captat beneuolentiam ab affectu suo & studio erga Colossenses, pro quibus certamen sustinet contra falsos doctores, qui volunt humana sapientia & legalibus ritibus sinceritatem doctrinæ turbare. Admoneantur hoc exemplo ministri Euangelij, ut se fortiter opponant corruptoribus sanæ doctrinæ.

Vt consolentur corda ipsorum compactorum in caritate.

Ratio propositionis exordij à finibus suscepti certaminis pro Colossensibus. Est enim fructus primus sinceræ doctrinæ, consolatio cordium eorum hominum, qui in caritate coniuncti inter sese, ac veluti connexi sunt mutuis caritatis officijs, non secus atq; membra eiusdem corporis iuncturis sibi inuicem alligata, vnâ fouentur & recreantur.

Et in omnem opulentiam certæ persuasionis intelligentiæ, in agnitione mysterij Dei & Patris & Christi.

Alter finis suscepti certaminis, cuius
F sensus

EPIST. PAULI

sensus ita resolui potest. Hoc ingens certamen etiam sustineo, ut adeò plena & opulenta abundant persualione in sinceræ doctrinæ intelligentia, ut perfectè persuasi, mysterium Dei & Patris & Christi, hoc est, ipsum Euangelium solidè percipiant. Huc igitur piorum ministrorum conatus tendant, ut solidè doceant, quò auditores plenam Christi intelligentiam consequantur. Quod cum sit, non facilè patebit aditus malis doctoribus ad euertendam doctrinam. Contrà, ubi segniter traditur doctrina, relinquitur populus dubius & instabilis, unde fit, ut facilè quouis doctrinæ vento concutiat. Porro, mysterium Dei & Patris & Christi ideo Euangelium nominat, quia in Euangelio reuelatur maiestas Dei & affectus eius paternus erga nos per Christum, unde tria colligamus. Primum, Deum per Euangelium innotescere. Deinde, illum ipsum paternum animum erga nos gerere. Tertiò, nos in Christo, cum eum fide possidemus, patrem agnoscere. Qui, inquit, videt me, videt & Patrem.

In quo sunt omnes thesauri sapientiæ ac scientiæ reconditi.

Abso-

qua
cit,
dig
an
quæ
con
illo
gnit
hunc
Porr
disti
salut
ad se
dam

dec

strat
subti
nes c
nis f
Chr
cus
enim

AD COLOSS.

Absolutam sapientiam & plenam, quæ sanè ad salutem consequendam sufficit, in Christo absconditam monet, cum ut dignitatem Evangelij commendet, tum ut animos nostros auocet ab omnibus rebus, quæ sunt extra Christum, quoties salutis consequendæ ratio quæritur. Si enim in illo sunt thesauri omnis sapientiæ & cognitionis, desipiunt profectò, qui extra hunc thesaurum scientiam salutis quærun. Porro, sapientiæ & cognitionis vocabula distinguo, ut prius ad mentis rectam de salutis negotio instructionem: posterius ad scienter seu prudenter vitam informandam iuxta verbum referatur.

Hoc autem dico, ne quis uos decipiat sermone persuasibili.

Usus superioris dicti egregiè monstrat, nimirum ut solo Christo contenti, subtiles sapientum mundi ratiocinationes contemnamus, non morantes sermonis suauitatem, & leporem eorum, qui à Christo nos abducere conantur. Hic locus diligenter observandus est. Monet enim, ut simplicem doctrinam Christi re-

F 2 tinea-

EPIST. PAULI

tineamus. Monet vt extra Christum in salutis negotio nihil quæramus. Monet cauendas orationis inlidias. Monet non suscipere eloquentiam hominum, sed veritatis simplicitatem amplecti & amare.

Et si enim carne absum, spiritu tamen uobiscum.

Occupatio est. Nam poterant admirari Colossenses, cur sibi adeò à se remotis, & antea non visis, admonitionem scriberet. At Paulus hanc obiectionem diluit per distinctionem. Sum quidem remotus à uobis corpore, sed & corde & animo, quo uos in Christo complector, uobis adsum. Hoc verè Apostolicum est, non solum præsentium auditorum, verum etiam absentium & remotorum curam gerere.

Gaudens ac uidens uestrum ordinem & stabilitatem uestræ in Christum fidei.

Commendatio Ecclesiæ Colossensium cum captatione beneuolentiæ, ab animi sui affectu erga illos. Cum enim commendat Ecclesiæ Colossensium statum præsentem, non solum bene constitutum
signi-

signi
eode
clesia
diner
Ordo
centiu
moru
dine
bilita
pe ipl
re non
etæ
trude
concit
ipli so
qui or
ta fid
nibus

Chr.
amb
in ip
quer
abu
acti

AD COLOSS.

significat, verum etiam tacite monet, ut in eodem statu permaneant. Porro, in Ecclesiastico statu duo laudat; nimirum ordinem & stabilitatem fidei in Christum. Ordo quidem non regni formam, sed docentium & discipulorum rationem habet, & morum disciplinam continet, de quo ordine plura ad Ephesios dicta sunt. Stabilitas fidei, fundamentum retinet, nempe ipsum Christum, sine quo Ecclesia stare non potest. Fugiamus ergo omnes, qui ἀταξία barbaricam Ecclesie Christi obtrudere conantur, ut qui Enthusiasmo concitati, nihil rectum ducunt, nisi quod ipsi somniant. Damnemus & Papistas, qui omnes nervos eo intendunt, ut sepulta fide in Christum, ex humanis traditionibus pendamus

Sicut ergo accepistis Iesum Christum Dominum, in ipso ambulate, radicati & ædificati in ipso, & confirmati in fide, quemadmodum edocti estis, abundantes in ea per gratiarum actionem.

F 3 Illatio

EPIST. PAULI

Illatio exhortatoria est ad constantiam in vera doctrina, quam ab Epaphra didicerant. Hic locus triplicem doctrinam continet. Primum enim quomodo Christo adhærendum sit, Deinde, quid præstet fides, Postremò quomodo fides incrementa sumat, docet. Quomodo autem Christo adhærendum sit, triplici similitudine docet. Primo enim loco confert Christum viæ, nos viatoribus. Quare, nisi errare libet, hæc via sola tenenda est, quod sit, dum in ipsius doctrina constanter permanemus. Deinde confert Christum radici, nos verò arbori seu ramis. Si ergo fructificare volumus, in radice manendum est, ex radicis succo viuendum, & crescendum est. Præterea confert Christum fundamento, nos ædificio. Nisi igitur collabi placet, fundamento innitendum est. Sed quid præstat fides? Confirmat inquit fidem. Quare fides hoc præstat, vt & in via sine errore curras, & in radice cum fructu permaneas, & super fundamento fixus & immotus perstes. In hac fide tum demum crescimus & abundamus, quando accedit frequens gratiarum actio. Hac enim, quemadmodum verbo & sacramentis, alitur & augetur fides.

Videte

AD COLOSS.

Videte ne quis sit, qui uos
deprædetur per Philosophiam
& inanem deceptionem, iuxta
traditionem hominum, iuxta ele-
menta mundi & non secundum
Christum.

Propositio est tertiæ partis Epistolæ,
attentionis particula figurata ac expositio-
ne amplificata. Videte, inquit, ne quis
sit, qui vos deprædetur, ac si diceret: Per
sanam Christi doctrinam in ouile Christi,
in quo pabulum æternæ vitæ est, perdu-
cti estis, videte igitur, ne Pseudoprophe-
tæ, qui lupi & prædones pessimi sunt, vos
prædam abigant, dum septa ouilis Chri-
sti, id est, sanam doctrinam interrumpunt per
Philosophiam, eam videlicet, quæ sic qui-
dem vocatur, & tamen nihil aliud est,
quàm inanis deceptio, ut quæ ex homi-
num traditione elementa mundi, hoc est,
ceremonias seu res, quæ potius à Christo
abducunt, quàm ad ipsum quenquam ad-
ducunt, vobis obtrudit. Hic est simplex
propositionis sensus.

Porro, quemadmodum perperam fa-
ciunt, qui hoc loco abutuntur ad damnan-

F 4 dam

EPIST. PAULI

dam viuersam Philosophiam, quæ reuera excellens donum Dei est: Ita damnantur hoc dicto Pauli, qui ex corrupta philosophia Ecclesiæ Christi vllum dogma obtrudere tentant, tanquā in negotio salutis necessarium. Vna est doctrina salutaris de cœlo allata, quæ continet omnes thesauros sapientiæ & cognitionis salutaris. Verum quemadmodum olim populus Israëliticus ad extruccionem tabernaculi vsus est opibus Aegyptijs: Ita nos quoque sciamus vsurpandas esse Philosophiæ veræ partes, non ad destruendam Ecclesiam, sed ad ei seruiendum. Et si igitur solum verbum Dei salutare est hominibus, interea tamen non sunt contemnenda alia Dei dona, quæ non parum suo quodam modo ad ædificationem Ecclesiæ faciunt. Quis quæso phrascs scripturæ intelligat sine Grammatica? quis partes longioris orationis? quis disputationum seriem? quis argumentorum virtutes percipiat, artis Dialecticæ rudis? An non Paulus in Episcopo requirit, vt sit aptus ad docendum, vt possit rectè secare verbum Dei: quod fieri non posse sine Dialectica nemo non uidet? An non pulcerrima ex Rhetorica lumina passim in scriptis Prophetarum & Apostolorum conspiciuntur,

untu
cogn
mult
scrip
raliur
non v
de oec
us no
mathe
non ef
fuisse
paret,
logi te
Arith
summa
rum ex
ac mu
sunt.
phiæ
legij
damn
uemus
P
quem
tur P
cet m
ctum
esse co

AD COLOSS.

untur, quæ sine Rhetorica & Schematum cognitione minimè explicari possunt? Quam multa dicta sunt in Prophetis, Psalmis & scriptis Apostolicis, quæ sine rerum naturalium doctrina intelligi nequeunt? An non vera Ethica pars legis diuinæ est? Unde æconomicae & politicæ leges, quas Deus non vult contemni, extractæ sunt? In mathematicis excelluisse veteres Patriarchas non est dubium, in quibus Paulum quoque fuisse liberaliter institutum, vel ex eo apparet, quod contra græcos ipsos Arati astrologi testimonio sit usus. Qui Moſen legit, Arithmeticam & Geographiam agnoscet summè necessarias esse ad multorum locorum explicationem. Dauid, Iob, Ieremias ac multi alij sancti viri Musica delectati sunt. Cum igitur omnes partes Philosophiæ sint vtilis, & eximia Dei dona, sacrilegij genus est, philosophiam in uniuersum damnare, qua ut vtiliter uti possimus, seruemus sequentes regulas.

Prima, sit verbum Dei lidius lapis, ad quem examinentur, probentur, improben-
tur Philosophorum dicta. Aristoteles docet mundum ab æterno fuisse, sed hoc dictum ad scripturam examinatum, falsum esse conuincitur, Quare, non verè philoso-

F 5 phiæ

EPIST. PAULI

phiæ axioma, sed philosophantis error iudicetur. Idem, vnam omnium rerum primam causam, nempe Deum ipsum rationibus physicis demonstravit, quæ demonstratio, quia congruit cum verbo Dei, approbanda est & amplectenda. Iuxta hanc regulam, sanctus Iustinus philosophus & martyr multas sententias examinat, probat, improbat, potissimum in libro, cui titulus est ἀνατροπή, id est, eversio quorundam Aristotelicorum dogmatum, Item in libro ad Triphonem Iudæum, Item in libro contra Græcos philosophos.

Secunda, adhibeatur philosophia rerum sacrarum explicationi, non ut domina, sed ut ministra, quæ autoritati verbi cedat. Sic Grammatica, Dialectica, Rhetorica cæteræque discipline suo fungantur ministerio.

Tertia, quoties verbum Dei aliquid, quod absurdum in philosophia videtur, commemorat, philosophia se humiliet, agnoscat suam cœcitatem, corrigatur cœlestis philosophiæ admonitione, & non quasi obtorto collo in suam sententiam verbum cœleste trahat. Rectè enim Orpheus, ut citat Iustinus martyr, omnibus mortalibus mortales palpebræ in oculis imbecilles,

AD COLOSS.

les, ad videnda ea, quæ ad omnium rerum curatorem pertinent.

Quarta, Omnia philosophorum dicta, quæ cum verbo Dei punnant, vtut plausibilia rationi videntur, reñciantur ac damnentur, tanquam cœlestis philosophiæ præsentissimum venenum. Rectissimè enim monuit Hylarius, sensum scripturis non esse inferendum, sed è scripturis petendum.

Quinta, Decreta philosophorum, quæ non pugnant cum verbo, si demonstrationes aut probabiles rationes habent, recipiantur ac amentur, idq; maximè, si ad rerum conseruationem, aut ad mores formandos faciunt.

Sexta, Exemplis & dictis philosophicis vtatur theologus prudenter, hoc enim interdum fieri potest valde vtiliter, quia exempla & dicta congruentia cum verbo sæpe vehementiores stimulos habent. Sic Salomon pigrum ad formicam mittit, vt ab ea discat sapientiam. Dominus nos ad serpentes & columbas, vt ab illis prudentiam, ab his simplicitatem discamus, amandat. Thiresias parochus Thebanus, tamen si ethnicus, tyranno minanti sibi exitium, eò quòd

EPIST. PAULI

quòd vera quidem sed non placentia diceret, respondit: Veritatē te ô Tyranne fortio-
 rem alo. Hoc exemplum non incom-
 modè adduci posset ad animandos mini-
 stros Christi, vt constantes sint in docenda
 & defendenda veritate, Simili modo Phy-
 sica exempla Ciconiarum, Halcyonum &c.
 sumi possunt in commendationem pietatis
 erga parentes, et bene meritos. In reprehen-
 sionem exemplum viperarum Iohannes &
 Christus obiecerunt Iudæis. Ad eundem
 modum axiomata philosophorum vtili-
 ter adhiberi possunt, quale est illud Plato-
 nis, Deus omnium bonorum ἀγαθόν, &
 malorum omnium ἀναγόν est. Sicut Pau-
 lus interdum philosophorum dicta asper-
 git, vt ad Tit: 1. Epimenidis. 1. Cor: 15. Me-
 nandri. Act: 17. Arati testimonia adducit.
 Licet enim vndiq; mutuari, quicquid à
 Deo profectum est. Has regulas secutus
 theologus, sentiet sibi non inutilem fore
 philosophiam veram. Quarè, philosophiæ
 studium ab omnibus bonis amandum
 censeo, ac necessarium iudico in primis ijs,
 qui in maioribus facultatibus, in Medici-
 na, Iurisprudentia & Theologia cum fru-
 ctu versari cupiunt. Verùm id sobriè fieri
 velim. Nam, qui vitam omnem in Ethni-
 cis

cis
 mu
 De
 se
 can
 dat
 pat
 con
 tra
 cul
 priè
 sed
 illa
 satis
 Quo
 huc
 iux
 à Cl
 Ioso
 phil
 spem
 tudin
 mo
 suus
 gele
 uea
 spir
 crat

AD COLOSS.

cis scriptis consumunt, gentiles ad postre-
 mum euadunt, nec ferunt se postea verbo
 Dei corrigi, Imò contemnunt verbum, ac
 se cæteris sapientiores impudenter prædi-
 cant, adeo vt à conuitijs, quoties occasio
 datur, abstinere non possint. Non igitur
 patrocínatur híc Pauli locus philosophiæ
 contemtoribus, sed ijs tantùm, qui eam in-
 tra suos terminos, & quasi intra suum cir-
 culum manere non sinunt. Non enim pro-
 priè híc accipitur philosophiæ nomen,
 sed pro acumine hominum, qui fallaciter
 illa ad decipiendum abutebantur, id quod
 satis conuincit præsentis loci peristasis.
 Quòd enim suprà per *πιθανολογία*, idem
 híc per philosophiam & inanem fraudem
 iuxta traditionem hominum, quæ abducit
 à Christo, intelligit. Retineatur igitur phi-
 losophia & ametur. Caueantur insidiæ ex
 philosophia falsa, obturentur aures ad bla-
 spemas voces eorum, qui maiorem certi-
 tudinem cœcæ philosophiæ, quàm clarissi-
 mo verbo Dei tribuunt, Tribuatur Deo
 suus honos, et collocetur supra omnem an-
 gelorum & hominum sapientiam, nec mo-
 ueant nos istorum ineptiæ, qui Satanico
 spiritu inflati, infra omnem scientiam, sa-
 cratissimam theologiam reiiciunt.

Quo-

EPIST. PAULI

Quoniam in ipso habitat omnis plenitudo Deitatis corporaliter.

Prima propositionis ratio ab excellētia Christi sumta. In Christo est omnis plenitudo Deitatis corporaliter. Igitur extra Christum nulla plenitudinis pars quærenda est. Quare non audiendi sunt philosophantes, qui suis speculationibus Deū alibi, quàm in Christo quærunť, in quo se totum Deus exhibet. Qui igitur Christum habet, Deum habet, qui Deum habet, ei nihil deesse potest. At Christus in Euangelio exhibetur totus, quare non alibi quærendus est Deus, quàm in ipsius verbo. Ex hac ratione Pauli apparet fuisse quosdam Colossis, qui subtilius de Deo philosophati sunt, quàm secundum regulam Euangelij, quos cauendos monet. Sed quid est, quòd dicat plenitudinem Deitatis corporaliter habitare in Christo? Num Deus corpus habet, vt anthropomorphitæ somniarunt? Nullo modo. Deus enim spiritus est, veritate teste. Quare hīc corporis vocabulum vřitate accipi non potest. Sensum igitur sic resoluito per collationem. In alijs Deus habitat suo spiritu & separabiliter, nouos mo-

cus

tus
sto
ita
diu
car
enim
greg
Zep

E
est,
alere
fima

etio
nia
stui
dur
mer
Chr
pact
tum
fide
fun
da
phu

AD COLOSS.

tus & nouam lucē accendens, Sed in Christo habitat non solum spiritu, sed etiam ita, vt personali vnione humanæ naturæ diuina vnita sit. Nam σωματικῶς significat hīc substantialiter seu personaliter. Vt enim nunc personam dicimus: Ita veteres græci σῶμα dixerunt, vt in illo epigramate. Σώματα πόλλα τρέφει καὶ δώματα πολλὰ ἀναγείρει, ἔστιν ἐπιμοτάτη πρὸς πένιαν ἀτροπὴς. Hoc est, Multa corpora, id est, personas multas alere, & multas domos ædificare, promptissima ad inopiam via est.

Et estis in illo completi.

Secunda propositionis ratio à perfectione nostri in Christo sumpta. Plenè omnia habemus in Christo. Igitur extra Christum nihil ad consummationem quærendum est. Proinde qui ex philosophia augmentum aut additamentum perfectionis Christianæ petendum docent, nullo sunt pacto audiendi. Sed quid est, esse completum in Christo? Est omnia obtinere per fidem Christi, quæ ad salutem necessaria sunt. Ex hoc apparet Philosophos quosdam Christianos fuisse, qui ex sua philosophia addere aliquid Euangelio voluerunt, quos

EPIST. PAULI

quos fugiendos monet, tanquam corruptores puritatis Euangelij, & deprædatores ouilis Christi.

Qui est caput omnis principatus & potestatis.

Tertia ratio à proprio Christi officio sumta. Christus est supra omnem potestatem & principatum. Igitur philosophantes ac Iudaizantes, qui angelos supra Christum collocant, fugiendi sunt. Fuerunt enim apud Colossenses, qui angelis eum honorem attribuerunt, quòd per ipsos hominibus ad Deum pateret accessus, non secus atq; hodie Papistæ sanctorum intercessionem prædicant, in contumeliam vnius mediatoris Iesu Christi.

In quo etiam circumcisi estis, circumcisione non manufacta, in depositione corporis peccatorum carnis, in circumcisione Christi, consepulti cum eo in baptismo, in quo etiam resurrexistis per fidem efficaciam Dei, qui excitauit ipsum ex mortuis.

Quar-

AD COLOSS.

Quarta ratio est contra Iudæos Christianos, qui Euangelio circumcisionem ad-
 ñcere voluerunt, & probat nos veritatem
 sacramenti circumcisionis habere in Chri-
 sto, & ideo nequaquam requiri circumci-
 sionem veterem seu manufactam. At ne
 quis obiiceret externum signum esse spiri-
 tualis circumcisionis testimonium necessa-
 rium, præuertit obiectionem, & dicit Ba-
 ptismum spiritualis circumcisionis sigil-
 lum esse. Porro, obseruetur hîc collatio du-
 plicis circumcisionis, vt, quibus in rebus
 sita sit vtraq; videatur. Indicatur autem
 hîc duplex circumcisio. Manufacta vna, al-
 tera non manufacta. Illa externa est, & in
 carne peragitur. Hæc spiritualis cordis est
 circumcisio. Manufacta sacramentum ve-
 teris populi fuit, primùm Abrahamo man-
 data, deinde toti populo Iudaico, duratu-
 ra vsq; ad Christum exhibitum & cruci-
 fixum, quando velum templi scissum est,
 quo significabatur omnium rituum Mo-
 saicorum abolitio & finis. Hanc circumci-
 sionem Paulus ad Rom:4. definit signacu-
 lum iusticiæ fidei. Quia obsignabat iusti-
 ciam, quam Abraham per fidem consecu-
 tus erat, & figurabat hæc externa circum-
 cisio, circumcisionem spiritualem. Vt enim
 G præputij

EPIST. PAULI

præputij caro circumcidebatur in signum
abolendi veteris hominis, & creandi noui
hominis: Ita corpus peccati abscindendum
est, per fidem in Christum, qui peccatum
sustulit, vt iam simus non vetus sed nouus
homo. Hanc circumcisionem spirituales
Christus in nobis peragit, nõ quidem me-
diante veteri illa circumcisione, sed baptis-
mo. Nam vt rei exhibendæ signum fuit
circumcisio: Ita iam exhibitæ testmoni-
um est baptisimus, nostræ ablutionis per
sanguinem Christi obsignatio. Ex hoc lo-
co Pauli colligimus spiritualis circumci-
sionis definitionem, quæ est depositio cor-
poris peccatorum carnis, per circumcisio-
nem Christi, dum Christus circumcidit
nos secum in baptismo, consepultos & ex-
citatos per fidem, qua Deus in nobis effi-
cax est. Proinde verè circumcisi sunt, qui
renunciato peccato, spiritu Deo seruiunt,
& gloriantur in Christo Iesu, & non carne.
Philip:3.

Et uos, cùm mortui essetis in
delictis & præputio carnis ue-
stræ, conuiuificauit cum eo.

Quinta ratio est propositionis. Mor-
tui

tui c
est, i
Deo
in C
tradi
ad vi
rè, c
Chri
tam e
rem c
feram
num

pecc
S
cond
mor

crat
quo

dæo
mor
ratic
nem

AD COLOSS.

tui delictis & præputio carnis nostræ (id est, impuritate viciosa naturæ) vitam à Deo cum Christo sumus consecuti. Igitur in Christo sunt omnia, & nihil ex humanis traditionibus aut philosophia tanquam ad vitam necessarium petendum est. Quare, cauenda potius est talis fraus, quæ à Christi vita auocat. Obserua hoc loco vitam et mortem in suis causis conferri. Mortem quidem & damnationem acceptam feramus nobis ipsis, vitam verò Dei donum per Iesum Christum agnoscamus.

Condonans uobis omnia peccata.

Signum vitæ restitutæ est peccatorum condonatio. Vt enim sine peccato nulla est mors; ita sublata morte, vita restituitur.

Delens, quod aduersum nos erat, chirographum in decretis, quod erat contrarium nobis.

Sexta ratio est potissimum contra Iudæos, qui obtrudere Colossensibus ceremonias Iudaicas voluerunt. Est autem hæc ratio sumpta à remotione rei ad remotionem signi. Debitum totum est condonatum.

G 2 rum.

EPIST. PAULI

tum. Igitur chirographum non amplius
valet. Quare non amplius vt testimonium
debiti reseruandum est. Fuerunt autem ce-
rimonie Mosaicæ veluti chirographum,
quo confitebantur Iudæi debitum suum,
vt quotidianæ illæ ablutiones fuerunt im-
puritatis confessio, & quasi chirographum
seu ἀνταρχή: Sic victimæ & sacrificia ite-
rata peccatum remanere testabantur. Neque
enim dubium esse potest, quin per decreta
hoc loco intelligat Paulus ceremonias ip-
sas Mosaicas, quæ veluti chirographum
quoddam erant confessionis debiti. At si
obiicitur remanere peccatum in natura.
Igitur retinendum esse chirographum, hoc
est, retinendas esse ceremonias Mosaicas.
Respondeo, peccatum quidem, quātum ad
efficaciam mortis Christi attinet, deletum
esse, quam deletionem figurabant sacrificia
vetera, quæ ideo iam cessare debent, quia
quod figurabant futurum, nunc exhibi-
tum est. Proinde mortem Christi expiato-
riam negant, quotquot ceremonias Mosai-
cas vrgent ac docent. Nam laceratum chi-
rographum sarcire volunt.

Et ipsum sustulit de medio,
affigens illud cruci.

Ampli-

grap
fixu
cis, i
firma
abrog
veter
E
testa
phan
pulce
tor e
phaeu
stes vi
tus &
quod
Quer
ma v
hoste
fimo
tis Di
erecte
mort
bulo
rioso
ascen

AD COLOSS.

Amplificat à modo deletionis chirographi nimirum, quòd Christus cruci affixus finem imposuerit ceremonijs Mosais, id quod miraculo passo Christo confirmatum est. Nam scissio veli significabat abrogationem omnium ceremoniarum veterum.

Expolians principatus & potestates traduxit palàm, triumphans de ipsis in illa.

Amplificat Christi victoris gloriam pulcerrima imagine. Christus dominus victor est, & triumphator, crux Christi trophæum & veluti currus triumphalis, hostes victi Diaboli ipsi, quos hîc principatus & potestates vocat propter imperium, quod exercebant in genus humanum. Quemadmodum itaq; victor aliquis arma victorum in trophæum, vbi in fugam hostes versi sunt & victi, suspendit, in testimonium victoriæ: Ita Christus superatis Diaboliis peccato et morte triumphum, erecto crucis trophæo egit. Vt enim per mortem suam confligit cum hoste in patibulo crucis, eumq; superauit: Ita suo glorioso descensu ad inferos, resurrectione & ascensu in cœlum, triumphum egit, (ad

G 3 Ephes.

EPIST. PAULI

Ephes 4.) monumento victoriæ seu trophæo crucis erecto. Meminerimus igitur Christi trophæum esse crucem, id est, mortem & passionem, & triumphum, deuicto Satana, morte & peccato, ut amplius Christo ac membris eius, tenebrarum potestas nocere non possit.

Nemo ergo uos iudicet in cibo & potu, aut in parte diei festi, aut Neomeniæ, aut sabbatorum, quæ sunt umbra futurorum, corpus autem Christi.

Conclusio est, in qua quidam ritus recitantur, quos Iudaizantes Christiani volebant imponere Colossensibus, tanquam necessarios ad salutem ac complementum Euangelij. Nemo, inquit, vos iudicet. Nolite ullius hominis pertimescere iudicium, quo vos reos peragere volunt, tanquam decretorum Dei violatores. Quod enim supra decreta vocauit, iam quadam distributione rituum Mosaicorum exponit, non quidem absoluta & plena, sed paucis generibus nominatis cætera intelligenda relinquit. Nam de omnibus idem iudicium eademq;

AD COLOSS.

eademq; ratio est. An non verbum Dei delectum ciborum, festorum &c. commendat Dei populo? Commendat quidem, sed ad tempus, ut essent umbræ futurorum, id est, obscuræ quædam repræsentationes absentis Christi. At postquam corpus aduenit in Christo Iesu, non decet ut umbras sectemur. Proinde obseruetur hîc vindictio libertatis Christianæ à ritibus Mosaicis atq; alijs humanis traditionibus. Verum de festis Christianorum hæc seruandæ sunt regulæ.

Prima, Omnium Christianorum festa libera esse debent, doctrinæ, ordinis, exercendæq; pietatis causa instituta. Neq; enim Christianis illud iugum, quod olim Iudæis disciplinæ seu pædagogicæ gratia impositum erat, ferendum est. Hæc regula confirmatur Rom:14. Gal:4. & præsentis loco.

Secunda, Festa Christianorum talia esse debent, ut aliqua in illis doctrinæ pars explicetur, idq; hoc ordine, ut Primum Historia festi purè tradatur. Deinde, clarè beneficium Dei, cuius meminit festum, illustretur. Tertio, ut usus & fructus ostendatur. Hoc obseruasse veteres, ostendunt Hymni in festis diebus decantati.

Tertia, Tamen Christianis tempus

G 4 aliquod

EPIST. PAULI

aliquod necessarium est, quò conueniant ad audiendum verbum Dei, ad præcandum, ad percipienda sacramenta: tamen circumstantijs temporis Christianus minime est affixus. Illum autem dico circumstantijs temporis affixum esse, qui à constituta die nulla neq; necessitate, neq; proximi amore auelli potest. Nam si sabbathum propter hominem est factum, & non homo propter sabbathum, debet profectò sabbathum, atq; adeo omne festum necessitati hominis cedere. Ob hanc causam pñ in primitiua Ecclesia sabbathum transtulerunt in diem Dominicum, ne cum Iudeis viderentur affixi esse circumstantijs temporum.

Quarta, Sabbathum Iudaicum typus & figura sabbathi spiritalis Christianorum fuit, quod quidem perpetuum esse debet, docente hoc Esaia cap:66. Quod sane sabbathum nihil aliud est, quàm perpetuum à peccatis otium, singulis diebus peragendum.

Quinta, Caueat Christianus, ne prætextu Christianæ libertatis contumaciter Christianorum festa contemnat. Hoc enim qui facit, & ordinem Ecclesiæ vtilem turpiter violat, & alios exēplo malitiosè lædit.

Sexta,

AD COLOSS.

Sexta, Festorum prophanatio in Dei contumeliam, est ocium, spacium, facultatem & occasionem sumere quæuis scelera impudentius & cumulatiùs, quàm vllò alio tempore patrandi. Hinc lex piorum Imperatorum de festis diebus: dies festos, dies maiestati altissimæ dedicatos, nullis volumus voluptatibus occupari.

Septima, Imperator Constantinus hanc regulam de die Dominico statuit. Ruri positi agrorum culturæ, liberè, licenterq; inseruiant, quoniam frequenter euenit, vt non aptius alio de frumenta sulcis, aut vites scrobibus commendentur, ne occasione momenti pereat cōmoditas, cœlesti prouisione concessa. Hanc regulam eatenus seruandam censeo, quatenus ministerium verbi non contemnatur, & quatenus cum quinta regula suprâ posita stare possit. Has regulas de festiuitatibus Christianorum qui seruat, nec in Iudaicâ superstitionem facillè ruet, neq; Christianæ libertatis ignarus laqueum sibi imponi permittet, sed liberè ordinatione libera in Dei honorem, Ecclesiæ ædificationem, & propriam vtilitatem vti poterit.

Nemo uobis palmam inter-

G s uer-

EPIST. PAULI
uertat, sibi placens in humilitate
& cultu angelorum.

Addit aliud genus falsi dogmatis, nimirum cultum angelorum. Fuerunt enim quidam Christiani tum temporis, instituti in philosophia Platonica, qui angelos tutelares, quos Plato Demonas vocat, inuocandos prædicarunt. A quo errore, ut sibi caueant Colossenses, monet Apostolus. Ne quis vobis, inquit, palmam inuertat, hoc est, cauete ne quisquam vobis palmam eripiat, quam obtinetis per Christum triumphatorem, modo in eo currentes seu decertantes manseritis. Nam sunt, quibus vnice placet vos & fraudando & tentando aggredi. Hi seductores indignum esse dicunt vnigeniti maiestate, ut vos miseri ac in terris degentes homines, ductu eius ad patrem accedatis. Hac humilitate ficta sibi placent, fingentes angelos hoc deducendi munere fungi, Atque ita non satis firmatos à Christo victore abducunt, eisque palmam fraudulenter eripiunt. Locus obseruandus: fugiendum omne dogma, quod non disertè fundatur in scriptura. Deinde cauendas esse insidias, quæ struantur infirmis per fictam humilitatem ac
super-

supel
amitu
pend

se in
men

E

scriptu
descrip

quò i
ueant

bus. I

doctr

hil ex

persua

tionis

Pauli

nihil

Quic

nec ca

Dei. N

bo D

ratur

ratio

fugi

lueri

supel

amitu

pend

se in

men

E

scriptu

descrip

quò i

ueant

bus. I

doctr

hil ex

AD COLOSS.

superstitionem, tum eos omnes palmam
amittere, qui à solo CHRISTO non
pendent.

In his, quæ non uidit, fastuo-
se incedens, frustra inflatus, à
mente carnis suæ.

Ratio proximæ exhortationis à de-
scriptione Pseudoapostolorum sumpta, quæ
descriptio ideo hic interponitur à Paulo,
quò ipsorum vana arrogantia agnita ca-
ueant sibi Colossenses ab illorum fraudi-
bus. Primum fastuose incedunt, iactantes
doctrinæ sublimitatem, de qua tamen ni-
hil explorati habent, atq; eò impelluntur
persuali acumine ingenij & perspicacia ra-
tionis. Mentem enim carnis vocat hic
Paulus humani ingenij perspicaciam, qua
nihil, ubi de rebus salutis agitur, vanius.
Quicquid enim ex carne natū est, caro est,
nec capit animalis homo, quæ sunt spiritus
Dei. Nihil proinde solidum est, nisi in ver-
bo Dei fundetur, & spiritus magisterio ge-
ratur. Discamus igitur hinc omnes dispu-
tationes, quas gignit humanum cerebrum,
fugiendas esse, modo à Christo abduci no-
luerimus.

Non

EPIST. PAULI

Non tenens caput, ex quo totum corpus per iuncturas & connexiones subministratum & compactum, augefcit augmento Dei.

Vanitatem Pseudoapostolorum confirmat ex eo, quòd à capite alieni sint, cui qui non adhæret, frustra se corporis membrum iactitat, & rationem subiicit, quia totum corpus, hoc est, Ecclesia à capite dependet per iuncturas, quibus capiti corpus annectitur, & per connexiones, quibus membra corporis inter sese cohærent. Hoc corpus subministratum & compactum crescit augmento Dei. Vtenim vitalis spiritus à cerebro in reliquum corpus per nervos diffunditur, & à capite ipso sensus omnis & motus deriuatur: Sic & Ecclesiæ corpus à Christo subministratur, hoc est, ab eo & vitam accipit & spiritus incrementum. Quod utriq; fit, dum spiritus illi innexus est & impactus. Is namq; per nexum quendam & iuncturas incrementa suppeditat corpori. Itaq; si non vinciretur corpus cum capite, nec illi quidem congruere

grue
vita
men
ret. E
solu
rum &
amitt
quicu
script
quun
sti cor
Christ
conter
quema
um ha
mento
potius
ciunt
Eccle
It
sto a
tanq
decr
sa, cu
gara

AD COLOSS.

gruere seu respondere valeret, nec spiritus vitalis illi suppeditaretur, nec illi incrementum in fide vera ac dilectione accederet. Ex hoc loco primum concluditur, non solum superstitiosum esse cultum angelorum & sanctorum, sed eos prorsus caput amittere, & ex corpore Ecclesiae abscindi, quicumque aliam, quam quae verbo Dei praescripta est, rationem colendi Deum sequuntur. Deinde eos solos esse in Christi corpore, & Ecclesiae membra, qui soli Christo adherent, ipsiusque doctrina sola contenti sunt. Praeterea notandum, quod quemadmodum Ecclesia à Christo initium habet: Ita etiam crescit solo Dei incremento, non humanis traditionibus, quae potius deformia membra & monstrosa faciunt, Imò in nihilum tandem redigunt Ecclesiae corpus.

Itaque, si mortui estis cum Christo ab elementis mundi, quid, tanquam uiuentes in mundo, decretis tenemini?

Aliud argumentum à remotione causae, cuius sensus hic est. Decreta sunt abrogata per mortem Christi, Igitur non amplius

EPIST. PAULI

plius decretis obnoxij esse debetis. Nam hæc ratio : Mortui estis cum Christo ab elementis mundi, tantundem valet, ac si diceret, Mors Christi aboleuit decreta. Vos estis cum Christo mortui. Igitur decreta sunt vobis abolita siue abrogata. Hæc decreta ideo vocat elementa mundi, quia fuerunt res externæ & pædagogicæ, duraturæ tantum usq; ad aduentum Christi.

Ne esitaueris, ne gustaueris, ne attigeris.

Mimesis est. Verba enim Pseudoapostolorum refert, quibus illi superstitiosè decreta cumulârunt. Quia autem sequentes rationes, quibus hæc decreta subuertit Paulus, ad cibum tantummodo referri possunt, pro eo quod reddi solet, Ne attigeris, verti cum quibusdam, ne esitaueris. Nam vox ἀπέχεσθαι vtramq; significationem habet, quarum posterior præsentī loco magis congruit. Pseudoapostolorum enim progressus Paulus hoc loco describere voluit. Initium à superstitione est, quod non tantum edere, sed tenuiter esitare vetant. Vbi hoc obtinuerunt, iam gustare

stare
que i
contr
vstrac
tiam.
imput
enim
rem. l
accom
quod
sentis l

C
ption

C
destin
bi om
tes, et
alioq
perire
condi
est cog
frustra
signif

hon

AD COLOSS.

stare etiam prohibent. Postquam hoc quoque illis concessum est, ne digito quidem contrectare fas esse dicunt. Qui retinent vsitatam versionem, sic absoluunt sententiam. Ne tetigeris hoc corpus. Est enim impurum. Ne gustaueris hunc cibum. Est enim prohibitus. Ne contrectaueris hanc rem. Nam sacra est. Sed prior explicatio accommodatior videtur præsentí loco, id quod sequentes rationes, adeoque ipsa præsentis loci peristasis conuincunt.

Quæ sunt omnia in corruptionem ipso abusu.

Confirmatio ab ipso rerum vsu, seu à destinato ad finem, cuius hic sensus est. Cibi omnes, quos gustare vetant Iudaizantes, eò destinati sunt, vt vtendo pereant, alioqui nullus eorum vsus esset, & sine vsu perirent. Atque ita Deus aliquid inutile condidisset, quod prophanum & impium est cogitare de Deo sapientissimo, qui nihil frustra condidit. Porro, abuti hoc loco significat vtendo consumere.

Iuxta præcepta & doctrinas hominum.

Aliud

EPIST. PAULI

Aliud argumentum à causa sumtum.
Credentes non sunt astricti præceptis &
doctrinis hominum. Sed prohibitiones
ciborum sunt præcepta & doctrinæ homi-
num. Igitur Christiani prohibitionibus ci-
borum non obligantur. Obseruandus in-
primis hic locus est. Nam disertè docet,
quòd nullum humanum inuentum debe-
at conscientiam Christiani hominis ligare.
Quarè, quicquid proponitur sine manda-
to Dei & expresse verbo, fugiendum est
non secus atq; puritatis Euangelij corru-
ptela.

Quæ speciem quidem ha-
bent sapientiæ in superstitione
& humilitate, & neglectu cor-
poris.

Interponit rationem, cur vsq; adeo ar-
rideant humanæ traditiones, ac tres causas
recitat, quarum Prima est, ἐθελοπρᾶσκειᾶ,
id est, voluntarius cultus, bona (vt aiunt)
intentione susceptus. Altera est humili-
tas, qua se prepositis suis & maioribus sub-
iiciunt, atq; suo exemplo alios ad præstan-
dam obedientiam superioribus inhortan-
tur. Tertia causa est neglectus corporis.
Nam

AD COLOSS.

Nam dicunt istam certorū ciborū abstinē-
tiam seruire corporis mortificationi. Venū
has causas quasi fulmine quodam proster-
nit Paulus, cū pronunciet eas habere
speciē sapientiæ tantū, vnde relinquitur,
quod quicquid sapiant homines in nego-
cio salutis extra verbum, id mera sit stul-
ticia, ex stulto cerebro hominum profecta.
Sit igitur nobis verbum sapiendi regula,
vnde alibi Paulus: Nemo sapiat vltra id,
quod oporteat sapere. Porro, quia stulti-
cia cumulandi cultus, prætextum habet
bonæ intentionis, pñ hominis est cogitare,
quod quadrupliciter peccent, qui bona (vñ
vocant) intentione sine verbo Dei insti-
tuunt cultus. Primum rei fiunt defectio-
nis. Nam stultè deficiunt à regula cultus,
quæ est verbum Dei. Deinde in temeri-
tatis viciū incurrunt. Quid enim quæ-
so magis temerarium est, quàm quod pul-
uis & cinis velit Deo normam præscribe-
re, iuxta quam ab homine coli debeat, ve-
lit nolit? Tertiò, superbia peccant. Quar-
to nocent exemplo.

Non in honore aliquo ad ex-
pletionem carnis.

H Repre-

EPIST. PAULI

Reprehensio est Pseudoapostolorum,
& ostensio veri usus ciborum. Reprehen-
dit quidem Pseudoapostolos, eò quòd om-
nem corporis curam abiiciendam do-
cuerunt, quòd cum sit, redditur corpus ad
suas functiones inutile. Est autem duplex
carnis cura. Vna prohibita, nempe quæ
ad concupiscentias carnis explendas facit.
Altera præcepta, quæ eò pertinet, vt cor-
pus robur suum ad præstanda debita offi-
cia habeat. Usus porrò ciborum ad exple-
tionem, id est, saturitatem, qualem naturæ
necessitas requirit, pertinet. Vt enim ho-
nor hîc debitam curam significat: Ita ex-
pletio eam facietatem denotat, qua
natura vt sit incolumis, ne-
quaquam carere
potest.

CAPVT TERTIVM.

Quarta pars Epistolæ.

SVMMA CAPITIS TERTII.

Mortis

AD COLOSS.

Mortis & resurrectionis Christi participes veteri homini cum actionibus suis renuncient, ac nouum induant, omnium virtutum genere ornati, profligatis vicij. Coniuges, parentes & liberi, domini & serui debita sibi mutuò præstent officia.

ORDO ET PARTES CAPITIS
TERTII.

Apostolico more & Prophetico doctrinæ paræneses subiicit in hoc capite, ac Primo loco eas, quæ ex doctrina immèdiatè fluunt. Deinde generales per distributionem & contrariorum collationem. Officia enim Christiani hominis, conferendo ea cū vicij oppositis recenset. Tum descendit ad personalia officia coniugum, parentum, liberorum, dominorum, seruorum. Vnde in quarto capite ad generalem redit parænesin, quæ sanè exhortandi ratio, vt maximè est perspicua: Ita iuxta artificum præcepta omnino instituta videtur.

EXEGESIS CAPITIS
TERTII, CVM OBSER=
uatione doctrinarum.

H 2 Si

EPIST. PAULI

Si surrexistis igitur cum Christo, quæ sursum sunt quærite.

Illatio est exhortatoria, & ponitur propositio maior loco totius argumēti, quemadmodum in hypotheticis ut plurimum fieri solet. Estque argumentum à connexis. Si surrexistis cum Christo, quæ sursum sunt quærite. Sed resurrexistis cum Christo. Igitur quæ sursum sunt quærite, id est, rebus cœlestibus studete. Atque hæc est prima propositio institutæ exhortationis, quæ per locum à contrarijs extruitur, ex doctrina præcedente.

Vbi Christus est, in dextra Dei sedens.

Propositionis ratio est. Christus, cuius membra estis, quærendus est. Sed is in cœlo est, in dextra Dei sedens, Igitur ibi est quærendus, nempe fide, inuocatione, affectu & meditatione vitæ cœlestis. Hæc Pauli verba nequaquam tollunt præsentiam Christi à nobis. Nam iuxta promissionem suam Christus nobis verè adest. Ego, inquit, ero vobiscum usque ad consum-

AD COLOSS.

summationem seculi. Distinctio ergo Augustini huc facit: Vbiq; est, per id quod Deus est, in cœlo autem per id, quod homo est, videlicet vbi Christus est in dextra Dei, vt hîc Apostolus loquitur. Est enim hîc dextra Dei absq; omni dubio locus beatitudinis & felicitatis, in quo loco corpus Christi collocatum est. Nam hîc disertè opponitur dextra Dei locis & rebus terrenis. Neq; cum his pugnat assertio de præsentia vera corporis Christi in cœna. Est enim in cœlo corpus Christi naturali præsentia, in cœna verò supernaturali, quemadmodum ipse Lutherus fatetur,

Quæ fursum sunt cogitate,
& non quæ sunt super terram.

Repetitio est propositionis amplificatæ Antithesi, quasi dicat: Ceremoniæ vos in terris detinent, sed vestra meditatio debet esse cœlestis, vbi Christus est. Igitur ista terrena ne amplius sectemini. Hîc enim terrena vocat ceremonias illas & ritus, contra quos disseruit in superiori capite. Auocant enim à vera meditatione vitæ cœlestis. Quò igitur magis cumu-

H 3 lantur

EPIST. PAULI

lantur ceremoniæ, eò minus est veræ sanctimonix, eoq; magis ignoratur Christus, occupatis hominum animis in ceremonijs.

Mortui enim estis, & uita uestra abscondita est cum Christo in Deo.

Ratio ab adiunctis duplex. Mortui estis mundo, Igitur quæ mundi sunt nolite meditari. Viuificati estis cum Christo in Deo. Igitur istius vitæ ratio habenda est. Cum addit, Cum Christo in Deo, duas causas futuræ nostræ gloriosæ vitæ indicat, Materiam, & efficientem. Christus est materia vitæ nostræ. Ipsi enim vita nostra est, ut ipsius mors nostra est. Efficiens causa est ipse Deus, qui hanc nostram absconditam vitam olim in lucem producet.

Vbi autem Christus apparuerit uita nostra, tunc & uos cum eo apparebitis in gloria.

Consolatio est, qua animat Colossenses

AD COLOSS.

les contra præsentes ærumnas, vt boni
consulant moram apparitionis promissæ
vitæ in gloria beatitudinis. Vt enim la-
teret margarita, quàm diu coclea occultatur,
illaq; refracta proprium virtutis emittit
fulgorem: Sic & nos donec in hac mor-
tali carne fuerimus, nostra vita latet ab-
scondita, sed dissoluta hac carne, vita no-
stra gloriosa apparebit. Hic locus oppo-
natur omnibus huius mundi ærumnis,
hac vita nos consolemur, quoties sæuior
persecutionū tempestas suboritur. Quàm
enim certò Christus glorificatus est, tam
certò nos, qui hîc in eum confidimus, suo
tempore glorificabimur.

Mortificate ergo membra uestra, quæ sunt super terram.

Infert generalem exhortationem, quam
orditur à prima pœnitentiæ parte, quæ est
carnis mortificatio. Ac primum in ge-
nere hortatur ad mortificanda membra,
quæ sunt supra terram, cui mox subiungit
quandam distributionem membrorum.
Porro peccata & affectus peccatorum, usi-
tata in scripturis metaphora, qua & tota

H 4 pec-

EPIST. PAULI

peccati massa appellatione corporis designatur, vocat membra terrestria, quasi corporis totius partes & membra quædam veteris hominis, hoc est, corruptæ naturæ. Docet proinde hic locus, qualesnam nostra natura simus, quemque fructum, si nobis relinquamur, producere valeamus. Porro, mortificationis descriptionem colligamus hoc pacto. Mortificatio est verus timor Dei, quo resistimus, adiuti Spiritu sancto, concupiscentiis carnis, absterremur metu iudicii Dei à peccando, quadamque diligentia ac disciplina cauemus in peccata lapsus, quò toti spiritui & corpore Deo obsequium ex fide præstemus, in nouitate vitæ ambulantes. Huic ex aduerso respondet viuificatio, quæ est, cum consolatio ex fide percepta, tum nouæ vitæ incoatio, in omni pietatis exercitio. His duabus partibus, mortificatione & viuificatione, constat spiritalis regeneratio.

Fornicationem.

Id est, illicitum concubitus cum muliere sibi matrimonio non iuncta.

Immunditiem.

Hac

quæ
enim
fuit
com

l
mnis
cē πά
seu ra
furios
num g
gracis
seu fu
non t
pore
di m
& p
bie u
pè sa
ctatu

lam

AD COLOSS.

Hac notat omnem illicitam venerem, quæcunq; nominari possit. Verecundè enim pro multis libidinum generibus posuit vocem, omnibus venereis actionibus communem,

Libidinem.

Erasmus molliciem vertit, quæ est omnis libidinis incitamentum, verùm græcè πάθος est, id est, affectio turbulentior, seu rabies quædam corporis, qua veluti furiosi ruunt homines in quævis libidinum genera, vnde tales homines dicuntur græcis κυπριμαῖες, id est, ex venere insani seu furiosi. Hæc (vt inquit Athanasius) non secus se habet, quàm vulnus in corpore, aut febris, aut alius cuiusvis istiusmodi morbus, cui mederi singularis curæ est, & planè diuinæ. Verùm ne quis hac rabie uincatur, donatum est remedium, nempe sanctum matrimonium, quod amplectatur, qui isto morbo se turbari senserit.

Concupiscentiam malam.

Hæc omnis mali fons est. Sed cum malam nominat, concupiscentiam aliquam

H 5 bonam

EPIST. PAULI

bonam esse subindicat. Illa carnis est, & ad carnalia sollicitat: Hæc spiritus est, quæ Dei sunt & virtutis, concupiscuntur & exoptantur. Gal: 5.

Et avaritiam, quæ est simulacrorum cultus.

Cur avaritiam fugiendam & amputandam, tanquam veteris hominis membrum, cupiat, rationem reddit, nimirum quod sit simulacrorum cultus. Si igitur Christiani veri Dei cultores esse debent, & fugere omnem Idolatriam, profectò ab avaritia abstinebunt, quam si sectantur, à vero Dei cultu aberrant. Ratio autem, cur avaritia dicatur Idololatria, hæc est, quod ut Idololatria vero Deo spreto, colit idolum loco veri Dei: ita avarus rebus suis confusus, fiduciam in solum Deum abijcit. Ideoq; rectè Idololatria à Paulo dicitur.

Propter quæ uenit ira Dei in filios inobedientiæ.

Memi-

hoc
carn
perp
giti
Nan
catu
sit v
lioni
cand
nalib

do
inc

tun
die
tur,
bus
vos
reti
dun
sen
po
uei

A D C O L O S S.

Meminit iudicij Dei in inobedientes, hoc est, eos qui spiritus imperio excusso, carni indulgent ad omnia nefanda scelera perpetranda. Ex hoc loco conuincitur, flagitiosè viuentes, nihil prorsus fidei habere. Nam omnis qui credit, ab ira Dei vindicatus sanguine Christi est. Hæc proinde fit vna ex notis externis filiorum Dei & filiorum Satanæ. Illi ex spiritu fidei mortificandæ carni student, Hi laxant frena carnalibus desiderijs.

In quibus & uos aliquando ambulastis, cùm uiueretis in eis.

Ambiguus est hic locus. Nam incertum est vtrum, in quibus, ad filios inobedientiæ, aut ad vitia, quæ recensuit referatur. Si ad homines, hic erit sensus. In quibus, id est, inter quos (vt vertit Erasmus) vos aliquando ambulabatis, dum viueretis in eis, scilicet sceleribus, quemadmodum illi fecerunt. Ac ita admonet Colossenses prioris vitæ, vt iam sint cautiore, postquam ad Christianam religionem conuersi sunt. At si ad vitia referre malis, hic

erit

EPIST. PAULI

erit sensus . In quibus, scilicet vitis vos aliquando ambulabatis , id est, conuersabimini, cum adhuc viueretis in eis, quasi dicat: Iam per mortem Christi, carni adeoque eius operibus mortui estis . Non igitur decet, vt in vitis amplius viuatis, atq; ita erit argumentum à priuatione causæ ad priuationem effectus. Monet hic locus, quòd Christiana religio & professio requirat vitam & mores religioni congruentes.

Nunc autem deponite & uos omnia, iram, indignationem, maliciam, blasphemiam, turpilquium ex ore uestro, ne mentiamini alijs alijs.

Pergit in hortando Coleffenses ad deponenda membra veteris hominis, quorum nonnulla subiungit, nempe iram, excandescientiam, malitiam, blasphemiam, turpiloquium & mendacium.

Ira & excandescencia facilius apud Græcos distinguuntur, quibus ira, hoc est,

AD COLOSS.

est, ὀργή, appetitum vindictæ significat, ab ὀρέγω, quod est appeto. Excandescencia, græcis θυμός, perturbationem illam notat, quando sanguis circa cor incipit ebullire, unde in vultu & in oculis erumpunt quasi scintillulæ quædam ignis ardentis, & dicitur πῦρ τὸ δύνειν, hoc est, ab inflammando & excitando.

Porro, ne omnem iram temerè dam-nemus, notandum est quòd duplex sit Ira, vna laudabilis, altera viciosa.

Laudabilis ira ex bona causa proce-dit, & tendit moderatè ad aliquem bo-num finem. Pater irascitur filio contuma-ci. Causa est ὀργὴ φυσικὴ in bono patre. Finis est, vt filius castigatus emendetur. Iudex irascitur latroni. Causa est amor iu-sticiæ & incolumitatis reipublicæ. Finis est, vt latro affectus supplicio alijs sit terro-ri, ne & ipsi latrocinia exerçant. Hic non propriè personæ irascitur, sed vicio, & per-sonam punit, ne vitium magis grassetur inter homines.

Viciosa ira est, quæ ex mala causa pro- cedit, & tendit in malum aliquem finem. Hæc inter opera carnis numeratur Gal: 5. & à Christo damnatur Matth: 5.

Mali-

EPIST. PAULI

Malicia, græcè κακία, hanc Cicero opponit virtuti, & significat habitum viciosum virtuti omnino contrarium. Hinc pro quouis maleficio accipitur.

Blasphemia propriè conuiciū, quo alicuius fama & nomen læditur, ut εὐφημία est acclamatio, qua alicuius fama & nomen extollitur & celebratur.

Turpiloquiū αἰσχρολογία, verborum obscœnitatem notat, quam cū audiunt verecundi, non solum pudore, verum etiam dolore afficiuntur, adeo ut indignentur etiam.

Mendacium propriè est dictum nocendi studio prolatum, contrarium veritati cognitæ, quàm dici oportuit. Impropriè mendacium est, cū oratio cum re non omnino congruit, sed abest tamen nocendi studium, immò sæpe gloria Dei quæritur, & salus hominis. Hoc in vicio non est, quia à causa bona procredit, & tendit in bonum finem. Philippus σχῆμα λόγῳ appellat.

Exuti ueterem hominem cum actionibus suis, & induti nouum, qui renouatur in agnitionem
nem

AD COLOSS.

nem secundum imaginem eius,
qui creauit illum.

Iam causas fugiendorum peccatorum
& sectandarum virtutum ponit. Vt enim
vetus homo est ipsa naturæ vitiositas, &
eius actiones sunt inde pullulantia vitia,
tanquam membra quædam: Ita nouus
homo reparatio naturæ est per regenera-
tionis gratiam, & eius fructus sunt veluti
eius membra, quibus suas actiones exequi-
tur. Notetur ergò hic scopus, quò tendere
oportet pios per totam vitam, nimirum
vt indies magis magisq; (non enim vno
die perficitur, sed toto vitæ tempore incre-
menta sumere debet hæc reparatio) tenda-
mus ad perfectionem, quò in nobis imago
Dei clarius refulgeat. Vide suprà locum in
1. capite, Qui est imago Dei inuisibilis.

Vbi non est Græcus & Iu-
dæus, circumcisio & præputi-
um, Barbarus, Schyta, seruus, li-
ber.

Hac enumeratione tollit omnem cum
prærogatiuam tum externarum rerum
observationem, quæ omnia nullum locum
habent

EPIST. PAULI

habent, seu nullam prærogatiuam in regno Christi, quod regnum, quia spirituale est, administratur per Euangelium. A fide incipit, pietate ac innocentia ad perfectionem tendit. Obseruandus locus, quòd Deus non sit personarum acceptor, sed vt Petrus inquit, Omnis, qui ipsum timet, acceptus est illi.

Sed omnia & in omnibus
Christus.

Quò tendant, quæ dixit de Græco, Iudæo &c. explicat, nimirum quòd nihil extra Christum quærendum sit, in quo Christo salutis totius complementum est, quem qui fide possidet, nihil est, quod requirat amplius. Faceſſant igitur omnes, quorquor ad perfectionem Christianam aliquid extra Christum quærent. Moneamur quoq, vt in illo indies adoleſcamus, quemadmodum Apostolus monet ad Ephes. i.

Induite igitur tanquam electi Dei, sancti & dilecti, uiscera miserationum, benignitatem, humilitatem

AD COLOSS.

militatem, mansuetudinem, tolerantiam.

Antithesis est. Vt enim suprà recitauit veteris hominis membra, quæ deponenda suasit: Ita nunc membra noui hominis recenset. Epitheta, quæ in principio ponit, causas continent siue argumenta ab honesto. Electi, quia in Christum credunt. Hi enim electi dicuntur respectu prophanorum hominum, qui Euangelium contemnunt. Sancti, propter regenerationis gratiam, & quod destinati sint cultui diuino. Dilecti in dilecto ad Ephes. I. Cum igitur tales sitis, par est, vt vita & mores vestri tantis honoribus respondeant.

Viscera miserationum significanter dictum est, qua locutione significat Apostolus, non satis esse condolere proximo laboranti, nisi ex ardenti cordis affectu (qui viscerum nomine significatur) manum ei porrigas, iuuesq; in quacunq; necessitate constitutum. Porro, misericordia & misratio differunt vt causa & effectus, Misericordia enim affectus quidam cordis est, quo tangimur aliena calamitate. Misratio

I ratio

EPIST. PAULI

ratio verò est, cùm ex misericordia mori, succurrimus miseris & afflictis. Hæc virtus commendatur Christianis voce & exemplo Christi, à qua qui alienus est, frustra de Christo gloriatur.

Benignitas græcè *χρηστότης*, quam quidam modestiam vertunt, sed benignitatem (ut habet verus versio) retinere melius est. Nam *χρηστότης* relationem ad alios habet, & est affectus, quo alijs utilitati & commodo esse studemus, & manat hic affectus ex miserationum visceribus.

Humilitas, græcè *ταπεινοφροσύνη*, est ea animi humilitas, qua quis nihil altum de se sentiens, seipsum demittit, inanem gloriam contemnendo. *ταπεινός* enim humilem significat, & *φρονεῖν* sapere, meditari, cogitare. Huic opponitur *μεγαλοφροσύνη*, quæ est animi magnitudo & arrogantia, qua superbe de nobis sentimus.

Manfuetudo, græcè *πραότης*, morum est quædam suauitas, qua alijs & affabiles & comes sumus, estq; veræ humilitatis effectus.

Tolerantia, *μακροθυμία*, ad verbum, lon-

AD COLOSS.

longanimitatem notat, qua tardi ad offensionem sumus.

Sufferentes uos inuicem, & condonantes uobis mutuò, si quis aduersus aliquem habuerit querelam.

Quid per tolerantiam velit, explicat, nimirum ut mutua patientia nos inuicem toleremus, memores communis fragilitatis, quia facilis lapsus est in offensionem proximi.

Quemadmodum Christus donauit uobis: Ita & uos.

Exemplo Christi nos urget. Christus enim non tantum nobis est donum, verum etiam exemplum, unde rectè & piè dicitur: Omnis Christi actio, nostra est instructio. Sed triplices Christi actiones sunt obseruandæ. Morales, quibus legi morali satisfecit, hæ nostram vitam & mores ad dilectionem Dei & proximi excitabunt. Miraculosæ, hæ mentem nostram

EPIST. PAULI

de veritate doctrinæ ipsius confirmabunt.
Peculiares, quæ sunt ipsius officij propriæ,
hæ vt expiatoriæ peccati nostri fuerunt:
Ita salutis fiduciam in nobis alent & con-
firmabunt. Atq; ita omnis Christi actio,
nostra est instructio, sed diuersimodè, vt
ex dictis patet.

Super omnia autem hæc di-
lectionem, quæ est uinculum
perfectionis.

Enumeratis aliquot noui hominis
membris, subiungit commune præce-
ptum de dilectione mutua, quam ideo
vinculum perfectionis vocat, quia sola ca-
ritate conseruatur omnium rerum incolumi-
tas & integritas, cum in politia, tum in
Ecclesia & Oeconomia, & quòd sublata om-
nium rerum iusta harmonia & compa-
go dissoluitur. Perfectio igitur hæc non
Deum, sed homines respicit. Vnde appa-
ret hallucinari Papistas, qui hoc loco ab-
utuntur ad stabiliendam operum iustici-
am.

Et pax Dei palmam obti-
neat

AD COLOSS.

neat in cordib. uestris, ad quam
etiam uocati estis in uno corpo-
re, & grati estote.

Prolepsis est, qua anticipat omnia,
quæ ad dissidia & odia pertrahere possent,
quibus omnibus opponendam pacem
Dei suader, quam vult palmam obtinere,
ne dissidijs, odijs, simultatibus vincamur.
Vocat autem pacem Dei concordiam,
quam Deus vult nos fouere, propterea
quod eiusdem corporis sumus membra,
& ad hanc fouendam mutuò vocati su-
mus. Ideo enim Deo patri per Christum
reconciliati sumus, vt inter nos colamus
concordiam, qua mutuò coalescamus. Hu-
ius pacis fructum addit: Et grati græcè ἐυ-
χάριστοι, id est, gratiosi, amabiles & comes
inter vos mutuo estote.

Sermo Christi habitet in uo-
bis abundè, in omni sapientia.

Commendat Colossensibus studium
Euangelij, vt in eo indies proficiant, quo
plenam sapientiam salutis consequantur.
Hæc pugnant cum Papistarum decretis,

I 3 qui-

EPIST. PAULI.

quibus ipsi conantur homines arcere à lectione sacræ scripturæ, tanquam re perniciofa. Sed Paulus hîc non tantum doctores Ecclesiæ Colossensium, sed omnes promiscuè ad studium doctrinæ Christi hortatur, & obseruandum est verbum habi-
tandi, quo notat fidem Euangelij debere esse in nobis firmam & radicatam.

Docentes & admonentes uos inuicem Psalmis & Hymnis & odis spiritualibus, cum gratia canentes in corde uestro Domino.

Vfus sermonis Christi exprimitur, ut non solum ipsi, quod rectum est, sciamus, verum etiam ut nos mutuò doceamus, & admoneamus Psalmis, Hymnis & odis de rebus spiritualibus compositis. Obseruandus in primis hic locus est contra phanaticos spiritus, qui ministerium verbi abolere conantur. Quorum delirium hic locus Pauli apertè confutat. Porro canere in corde Domino, est ex fide canere in Dei laudem, ut nos inuicem edificemus in Domino.

AD COLOSS.

no. Discrimen inter Psalmum, Hymnum
& odam in Epistola ad Ephes. declaratum
est cap: 5.

Porro hic locus monet, vt non nihil
dicamus de Hymnis & Psalmis, qui in
templis cani solent, ne Monachi & sacrifi-
culi suum boatum hic commendari exi-
stiment, qui fumum cum auro commu-
tant, sibi & suis emtoribus in exitium, nisi
maturè resipiscant.

Omnis actio ratione operis licita vel
præcepta, laudabilis fit, modo regatur à
vera & bona causa, & respiciat bonum
& legitimum finem. Contrà verò in vi-
cio est, si vel vera causa destituatur, vel ab-
erret à legitimo fine. Eleemosynam dare li-
cita in se actio, immò præcepta est, & fit
laudabilis, quando vera causa regitur, vi-
delicet mandato Dei, & fide in Christum,
& respicit gloriam Dei & subleuationem
egentis proximi. Contra verò, Si hypocri-
si regitur & tendit ad sanctimonix laudem
quærendam inter homines, in maximo est
vicio, & apud Deum res summè abomi-
nabilis. Atq; ita in alijs causa & finis qua-
litate actionum mutant.

I 4 Si

EPIST. PAULI

Si quis in choro canit Psalmos, Hymnos & odas pietate vera adductus, spectans gloriam Dei, & mutuam ædificationem in Domino, laudabilis & pia est cantio, quæ nobis hîc à Paulo commendatur. Verùm si auaritia impellitur quis, aut superstitione, & non spectat gloriam Dei & mutuam ædificationem, sed lucrum potius, quo fraudaretur, si non in choro caneret, & meritum, quod ex operæ operato, vt vocant, captat, & opus supererogationis, quod alijs applicat. Huius cantio impia est, & in Deum contumeliosa, secunda lege Decalogi seuerè interdicta. Huiusmodi est cantio Monachorum & sacrificulorum, qui traditiones humanas anteponunt præceptis Dei.

Ex his non est difficile iudicare de choradia, quæ apud nostros Canonicos in usu est. Adferant pium pectus, & cor fide purificatum. Spectent gloriam Dei, & mutuam ædificationem in Domino. Attendiant non tam clamori, quàm spiritui verborum. Sint verba duces animorum ad Deum. Locum faciant concionibus publicis, & illis tribuant priores partes, vt quæ pluribus seruiant. Adhibeantur istis
psal-

AD COLOSS.

psalmodijs, quorum ætas & valetudo non est apta alijs muneribus in Ecclesia & republica. Nam rempub; & Ecclesiam negligere, & totum tempus vitæ cantibus consumere in templis non laudo. Optarem sane istud munus tantum committi illis, qui iam confecti ætate, & exhausti laboribus in Ecclesia & Republica, otium iuste petunt. Siquidem alios servire singulos suo loco Republicæ & Ecclesiæ par esse iudico. Qui autem prorsus ignavi sunt & imperiti, ut illorum opera non videatur utilis Ecclesiæ & Reipublicæ, viuant aliunde & non ex bonis Ecclesiasticis, ut fuci in alueario. His commendatum volo versiculum Phocylidis, εἰ δὲ ἄρ' οὐ δὲ δ' ἄλλ' κε τέχνῳ, σὺ καὶ πῶς το δ' ἐκέλλῃ. Si intra hos limites manserint choradi nostri, non improbandum est eorum studium. At si Monachorum & sacrificulorum sectantur superstitionem & impietatem, dico eos contra secundam Decalogi legem grauissimè impingere.

Et quicquid egeritis sermone aut facto, omnia in nomine domini Iesu facite.

I 5 Regu-

EPIST. PAULI

Regulam generalem omnibus dictis & factis nostris præscribit, Nimirum vt in nomine Domini Iesu faciamus omnia, quam regulam tum demum obseruabimus, si ab inuocatione nominis ipsius incipientes, omnia ipsius laudi & gloriæ destinamus.

Gratias agentes Deo & Patri per illum.

Hac gratiarum actione primum significat nullum laboribus nostris fore successum prosperum, nisi diuinitus iuuemur. Deinde monet, tum demum placere gratiarum actionem, vbi per Christum fiat, hoc est, quando ipso mediante agnoscimus Deum nobis benefacere. Præterea, vt vox Dei maiestatis diuinæ: Ita Patris vocabulum paterni fauoris nos admonebit. Vnde facultatem Deo ad iuuandum, & voluntatem promptam esse colligamus.

Vxores subditæ estote proprijs maritis.

Hic Oeconomiam personalibus seu particularibus præceptis instruit, de qua
re plu.

AD COLOSS.

re plura petantur ad Ephes. 5. 6. 1. Pet. 2. & 3. & ad Tir. 2. Incipit autem à primo œconomix iugo, nempe à coniugum mutuis officijs.

Vt decet in Domino.

Argumentum ab honesto, & simul regulam obedientix præscribit. In Domino, hoc est, iuxta ordinationem Dei. Nihil enim contra Deum in vllius gratiam faciendum est. Subiectio ergo piæ fœminæ gratus Deo cultus fit, quando ipsa mandatum Dei de subiectione sui meditatatur, & ex fide in gloriam Dei, & in obsequium mariti officium facit. Hinc & consolationem petet, si quando à duriori marito indignius tractetur.

Mariti, diligite uxores, & ne sitis amari erga illas.

Requirat à maritis dilectionem & humanitatem, & prohibet duram conuersationem & asperam tractationem. Debet. n. pius maritus cogitare, quòd mulier sit sibi à Deo data, non vt sit scabellum pedum ipsius, sed potius *βοηθὸς ὡς ὁ κύριος καὶ ὁικεργίας*, vt Clemens loquitur.

Liberi

EPIST. PAULI

Liberi obedite parentibus in
omnibus.

Obedientia liberorum erga parentes
& promptitudinem animi, & alacritatem in
exequendis iussis parentum complectitur,
& est pars honoris, quem postulat quar-
tum præceptum, quo honore omne genus
pietatis filiorum erga parentes intelligitur.
Porro, cum Apostolus addit, In omnibus,
intelligendum est de licitis tantum, ut
particula Omnis distribuat non totum ge-
nus, sed vnam tantum speciem, quasi di-
cat, in omnibus licitis filij parentibus ob-
temperent, utut dura esse videantur, quæ
parentes imperant. Nam si liberi paren-
tibus obedientiam debent propter man-
datum Dei, profectò obediendum non est,
si quid contra Dominum impij parentes
imperauerint. Verùm laudandi sunt po-
tius pij, qui recusant obedire parentibus
in rebus impijs. Piè igitur & sanctè fecit
Catharina martyr, quæ potius ceruicem
carnifici præbuit, quàm ad iussum impij
patris Christum negare voluit. Sit ergo li-
berorū obedientia erga parentes limitata,
& nō pugnet cum obedientia Deo debita.
Hoc

AD COLOSS.

Hoc enim placet Deo.

Argumentum ab honesto. Turpiter enim faciunt, qui præteritis & neglectis parentibus, alicui vitæ generi se dedunt, aut negocia aggrediuntur. Non enim quales, sed quod parentes sint, spectandum est.

Patres, ne prouocetis liberos uestros, ut non pusillo animo fiant.

Liberalem tractationem liberorum à parentibus requirit. Plurimum enim valet ingenua educatio, cum contrà alpera, dura & morosa sæpissimè facit, ut ingenui alioqui pueri animos magis demittant, & quasi languidiōres & socordes reddantur.

Serui, obedite per omnia dominis carnalibus, non obsequijs ad oculum exhibitis, tanquam hominibus placentes, sed in simplici

EPIST. PAULI
plicitate cordis, timētes Deum,
& quicquid feceritis, ex animo
facite, tanquam Domino, non
hominibus.

Prolíxius Christianos seruos instruit
Apostolus, vt sciant suum ministerium,
modo ritè fiat, Christo gratissimum cul-
tum esse. Habet autem hæc instructio
plures partes.

Primo loco requirit obedientiam er-
ga terrenos dominos, videlicet vt in om-
nibus, scilicet licitis per legem Dei & natu-
ræ obediant carnalibus dominis.

Secundò, vult abesse ὀφθαλμοδουλεί-
αν, hoc est, obsequium ad oculum exhibi-
tum, hoc est, vult Christianos seruos visita-
ta seruorum vitia fugere. Solent enim ab-
sentibus dominis negligentiores esse. Vn-
de nata sunt hæc dicta, Prodigium seruus
grande fidelis erit. Oculi domini pascit
equum, εἰς ὅτι δούλος οἰκίας οὐ θεωρεῖται.

Tertiò, requirit simplicitatem cor-
dis, qua nequitia, panurgia seruilis, con-
tumax

AD COLOSS.

tumax rebellio, & responsatrix audacia expellitur.

Quartò, postulat timorem Dei. Hic enim facit, vt serui non tam ad dominos carnales respiciant, quàm ad Deum ipsum, qui obedientiam seruorum erga dominos suo mandato requirit, & minatur pœnam contumaciter se suis dominis opponentibus. Breuiter, Timor Dei omnis boni operis effector est. Loquor autem de timore, qui ex fide nascitur.

Quintò, regulam obedientiæ præscribit seruis, nimirum, vt serui suis dominis obtemperent, tanquam Christo, hoc est, serui statuunt se Christo obedire, quando suis dominis obediunt, iuxta mandatum Dei. Sunt ergo seruilia seruorum opera cultus spiritualis, Deo per Christum gratissimus, modo fides prælucet. Hinc consolationem pñ serui, quando indignius à suis dominis tractentur, petant.

Scientes, quòd à Domino recipietis retributionem hæreditatis.

Sicut omnis obedientia ex fide præstatur, ha-

EPIST. PAULI

ta, habet promissionem mercedis: Ita & obedientia erga dominos carnales. Quare rursus erigit seruos grauiori pressos seruitute.

Domino enim Christo seruitis.

Ratio, cur mercede dignatur Dominus obedientiam homini præstitam. Christus enim Dominus inde glorificatur, Ideoque sibi præstari obedientiam affirmat.

Nam qui iniuste egerit, mercedem reportabit suæ iniquitatis.

Prolepsis est, qua anteuertit seruorum obiectionem de iniusto domino, an non tum liceat detrectare imperium, aut etiam se vlisci, cum Domini ipsi iniquius agant cum famulis suis. Respondet Domino vindictam relinquendam esse.

Et non est personarum acceptio.

Hoc

homi
nali fi
inspic
mo vi
cordiu

D
aqu
quod
in cce

A
gaferu
ficium
quod
rum,
potel
eos,
habe
n

(

AD COLOSS.

Hoc est, Deus non considerat faciem hominis externam, nec conditione personali flectitur, sed secundum cor, ut qui cor inspicit & renes scrutatur, iudicat. Nam homo videt ea, quæ patent, Deus autem solus cordium scrutator est.

Domini, quod iustum est & æquum, servis præstate, scientes quòd & uos Dominum habetis in cœlis.

Analogum officium dominorum erga seruos requirit. Iustum enim est, ut officium officio ex æquo respondeat, id quod iusticia distributiva requirit. Verum, quia interdum domini limites suæ potestatis in seruos transiliunt, admonet eos, ut meminerint se Dominum in cœlis habere, qui & seruos respicit, & potest punire eos, qui duriores se servis suis exhibent.

CAPVT
QVARTVM.

K SVM-

EPIST. PAULI
SUMMA CAPITIS
QUARTI.

ORandum semper cum gratiarum
actione, cautè ambulandum & pru-
denter loquendum.

ORDO ET PARTES CA-
PITIS QUARTI.

Primo loco generalia præcepta tradit
de precatione, conuersione & sermone.
Deinde monet de suo statu, quem cogno-
scent ex Tychico, quem commendat. Tum
sequuntur salutationes & commendatio-
nes quorundam ministrorum Euangelij.

EXEGESIS CAPITIS
QUARTI, CVM OBSE-
uatione doctrinarum.

Orationi instate, uigilantes
in ea, cum gratiarum actione.

Redit ad generales paræneses, ac pri-
mum commendat Colossensibus ora-
tionem, præcipuum fidei exercitium. In
hac autem duo requirit, perseverantiam
seu

seu
rum
diger
dum
est pe
mit, q
mone
est ad
nefici
denda
Vigil
horos
nis va
culus
iussit
protr

ut
fer
riu
uin
luc
me

AD COLOSS.

seu instantiam & vigilantiam cum gratiarum actione, vnde monemur Primum indigentiae nostrae. Si enim perpetuò orandum est, semper nobis aliquid deest, quod est petendum, semperq; nos aliquid premit, quod est deprecandum. Deinde admonemur de praesentia Dei, qui paratus est ad iuuandum. Nam pro acceptis beneficijs perpetuò gratiarum actio est reddenda. Huc pertinet admonitio Domini: Vigilate & orate. Proinde neq; astris, neq; horoscopis, neq; chiromantijs aut alijs vanis vaticinijs nitamur, sed sit oratio pia baculus noster in Domino, qui non solum iussit orare & petere salutaria, sed etiam promisit se inuocantes exauditurum.

Orantes simul & pro nobis, ut Deus aperiat nobis ianuam sermonis ad loquendum mysterium Christi (cuius etiam causa uinctus sum) ut manifestem illud, quemadmodum oportet me loqui.

Petit pro se quoq; preces fieri, vnde

K 2 duo

EPIST. PAULI

duo colligenda sunt. Primum, neminem ita donis ornatum esse ad functionem Euangelij, quin piorum precibus indigeat. Nam si Paulus ab ipso Christo immediate doctus, & vocatus ad Euangelij munus, in precibus piorum situm felicem Euangelij cursum existimat, quanto magis nos precibus piorum indigemus? Deinde momentur auditores Euangelij, sui officij esse pro fidelibus ministris orare, quò fructum ferat verbi diuini prædicatio. Porro, Ianuam sermonis vocat παρρησίαν liberè & audacter prædicandi Euangelium, quod mysterium definit, propterea quod rationi incognitum, diuinitus per Christum manifestatum est in salutem credentium.

Sapienter ambulate erga extraneos.

Hæc ἐπιόθεσις monet non contemnendos esse eos, qui nondum fidem Christianam amplexi sunt. Hos. n. extraneos, utpote alienos adhuc à regno Christi & familia Dei, appellat. Sapienter ambulare est, non solum cauere, ne conuersatione ponamus ijs offendiculum, quò minus ad Christum veni-

AD COLOSS.

veniant, sed etiam operam dare, ne ipsorum sceleribus infecti, impuros eorum mores imitemur.

Tempus redimentes.

Tempus redimere metalepsi hebraica est magnificare tempus & cauere ne perdat, aut pereat nobis inutiliter, hoc est, toto tempore bene uti, nec ullā rectē agendi occasionem prætermittere. Ratio metalepsios hæc est. Quæ enim dato precio, cariora nobis esse solent, Ideoq; damus operam, ut ea diligentius seruentur, & ne nobis abusu pereant. Proinde tempus redimere est illud in precio habere, ne quæ illius portio malè collocetur. Monemur itaq; ne sinamus nos corrumpi per corruptissimum sæculum, in quo agimus, sed probemus potius omni temporis momento, quid Deo gratum, nobisq; sit salutare.

Sermo uester semper in gratia sit sale conditus, ut sciatis quomodo oporteat uos unicuiq; respondere.

K 3 iam

EPIST. PAULI

Iam sermonem format, in quo gratiam & salem requirit. Gratiam quidem, ne dicacitate aut ineptijs auditoribus sumus molesti. Salem verò, quò prudenter & sapienter ea perferamus, quæ ad ædificationem faciunt. Nam omnis sermo insulsus est habendus, qui ad ædificationem nihil facit. Est autem metaphora sumpta ab usu salis, ut enim in omnibus cibis Sal vice condimenti adhibetur, ut auiditatem inuitet: Ita sermonis quædam suauitas est adhibenda, quò gratior fiat auditoribus, auidius audiatur, atq; etiam maiori fructu percipiatur. Qui autem huiusmodi sermoni studuerit, consequetur & hunc fructum, quòd interrogatus ab alijs, prudenter & cum discretionem respondeat.

Res meas omnes patefaciet vobis Tychicus, dilectus frater & fidus minister & conseruus in Domino.

Iam more sua familiaria quædam subiicit, ac primum per Tychicum eos cognoscituros suum statum admonet. Huius

com-

com
ne, à
nis of
narran
Tychic
lollenfe
ctum,
cem ho
comme
ctrinæ
ctam,

C
ipsum
strur
stra.
dile
de
qua

I
cogn
lessen
ne u
ctori
Græ

AD COLOSS.

commendationem à religionis professione, à fide in officio præstita, & à communis officij dignitate interserit, cum ut ei narranti fidem adhibeant, tum ut ipsum Tychicum similesq; in precio habeant Colossenses. Præterea monet hoc Pauli factum, ut verbi diuini præcones sibi inuicem honores deferant, & reddant se mutuo commendabiles alijs, modo puritas doctrinæ, vitæ innocentiam habeat adiunctam.

Quem misi ad uos in hoc ipsum, ut cognoscat statum uestrum, & consoletur corda uestra, unà cum Onesimo fido & dilecto fratre, qui est ex uobis, de omnibus uobis exponens, quæ hîc agantur.

Finis legationis Tychici duplex, ut cognoscat statum Colossensium, utq; Colossenses consoletur per sanam doctrinam, ne turbentur cruce & persecutione sui doctoris. Verum hîc duplex lectio est apud Græcos, Ὡς ἵνα γινῶ τὰ πρὸς ὑμῶν, id est, ut

K 4 cognos-

EPIST. PAULI

cognoscat statum vestrum. Altera, ἵνα γνῶ-
τε τὰ πρὸς ἡμῶν, id est, vt cognoscatis no-
strum statum. Hanc posteriorem lectio-
nem Robertus Stephanus annotauit esse
vndecimi exemplaris inter illa 16. quæ ha-
buit, dum impressit nouum testamentum.

Salutat uos Aristarchus con-
captiuus meus, & Marcus con-
sobrinus Barnabæ, de quo acce-
pistis mandata, si uenerit ad uos,
excipite eum, Iesus, qui uocatur
iustus, qui sunt ex Circumcisio-
ne, hi soli sunt cooperarij ad re-
gnum Dei, qui fuere mihi sola-
tio.

Suo more salutationibus claudit Epi-
stolam, & paucos ex Iudæis fideles in mi-
nisterio recitat, vnde apparet quantis per-
secutionum procellis fuerit Paulus iacta-
tus Romæ, quòd ab eo pleriq; deficerent
fracti persecutionibus, quod exemplum
nos quoq; admonet constantiæ & perse-
uerantiæ in doctrina. Est enim laude di-
gnum

gnui
mult
Porre
præco
testam
mum
intratu

S
uobi
anxi
catio
omn

E
ris of
diron
arde
men
zant
perfe
pletu
auter
cui h
ceat,
taten
funt

AD COLOSS.

gnum potius paucos imitari bonos, quàm multorum malorum sectari malitiam. Porro, cooperari in regnum Dei dicuntur præcones verbi, quia sunt ministri noui testamenti, per quod in regnum Dei primum quidem gratiæ, deinde etiam gloriæ intratur.

Salutat uos Epaphras, qui ex uobis est seruus Christi, semper anxie laborans pro uobis in præcationibus, ut stetis perfecti in omni uoluntate Dei.

Hic duo obseruemus. Primum, pastoris officium esse, non solum præsentis auditoris erudire, verum etiam absentes suis ardentissimis votis & precibus Deo commendare, ut ipse det virtutem Euangelizantibus & audientibus. Deinde quæ sit perfectio Christiana, nimirum esse completum in omni uoluntate Dei. Dicitur autem esse completus in uoluntate Dei, cui hoc unicum studium est, ut Deo placeat, suamque uitam totam ad ipsius uoluntatem formet. Sed de hac supra plura dicta sunt.

K S Testi-

4
10

EPIST. PAULI

Testimonium enim illi perhibeo, quòd habeat multum studij pro uobis, & his, qui sunt Laodiceæ, & his qui Hierapoli.

Confirmat Epaphræ studium & zelum pium erga Colossenses, Idèq; non frustra, sed ut animos Colossensium & Epaphræ arctius coniungat. Nisi enim ministri Euangelij & auditores se mutuò honesto ac pio zelo complexi fuerint, parum profuerit docentium labor. Dent igitur operam pñj verbi ministri, ut sine hypocrisi, ac doctrinæ corruptione sibi animos auditorum concilient veris officijs. Quamuis autem pñs ministris verbi perpetuum erit certamen cum sceleratis nebulonibus, qui potius excrementorum loco habendi sunt, quàm pro membris Christi: Tamen bonos & pios sibi exemplo Pauli ac Epaphræ conciliare studebunt.

Salutat uos Lucas medicus dilectus.

Ex hoc loco apparet Lucam non Iudæum, sed potius Græcum fuisse, nam supra

præc
rios
Est
gelica
perpet
bus re
na hun
gant v
Euang
in pre
ligion

F
defeci
Vnd
possi

dic
in c

lias,
erige
clef
Est

AD COLOSS.

præ tres tantum de circumcissione coopera-
rios in regnum Dei sibi adfuisse memorat.
Estq; hic Lucas medicus, qui scripsit Euan-
gelicam historiam & Acta Apostolica. Hic
perpetuus comes Pauli fuit, medicis omni-
bus relinquens exemplum, vt cum doctri-
na humanæ incolumitati salutari, coniun-
gant verbi cœlestis amorem, ac ministros
Euangelij non contemnant, sed cum Luca
in precio habeant, ne à vera professione re-
ligionis, fracti persecutionibus deficiant.

Et Demas.

Hic Demas, vt habetur 2. ad Tim: 4.
defecit à Paulo, amans præsens seculum.
Vnde collige, amorem præsentis seculi non
posse stare cum ministerio Euangelico.

Salutate fratres, qui sunt Lao-
diceæ & Nympham, & quæ est
in domo ipsius Ecclesiam.

Ab hoc Nympha discant patres fami-
lias, Ecclesias particulares in suis familijs
erigere, in quibus puritas & honestas Ec-
clesia Christi catholica dignæ inueniantur.
Est autem hîc Nymphas seu Nympha vi-
ri no-

EPIST. PAULI

ῥῖνomen, non mulieris, quod conuincit re-
latiuum masculinum & ὑτδ̃.

Et cum lecta fuerit apud uos
Epistola, facite ut etiam in Lao-
dicensium Ecclesia recitetur.

Hic Paulus ostendit, se non tantum
voluisse, ut suæ Epistolæ seruirent ijs, qui-
bus sunt primum scriptæ, verum etiam ut
alijs essent vsui, Vnde quoties Pauli aut
aliorum sanctorum virorum scripta legi-
mus, meminerimus ea nobis quoque desti-
nata esse, ut inde salutis doctrinam com-
munem, & salutare admonitiones hauria-
mus.

Et eam, quæ ex Laodicea, ut
uos quoque legatis.

Nec veteres nec recentiores hic inter
se interpretes conueniunt. Quidam enim
existimant Epistolam, cuius hic meminit
Paulus, Laodicensis à Paulo fuisse scriptā,
quorum opinio parum firma esse videtur.
Alij putant à quodam pastore Laodiceno-
rum esse scriptam ad Paulum, quæ qui-
dem opinio verisimilior est quàm prior.
Alij

Alij d
tam in
quider
ciuitate
scripta,
est.

E
nister
mino.

Pu
Euange
cio. Vn
autorit
stores,
ri vid

S

C
se scrip

N

meon

H
detur.

AD COLOSS.

Alij de Epistola p̄iore ad Timotheum scriptam intelligunt, quæ fuit ex Laodicea, non quidem illa cuius hîc meminit, sed ex alia ciuitate eiusdem nominis ad Timotheum scripta, hæc postrema opinio Theophilacti est.

Et dicite Archippo, uide ministerium, quod accepisti in Domino, ut illud compleas.

Publicè admoneri vult quendam ex Euangelij ministris, fortè cessantem in officio. Vnde discimus, quòd Ecclesia habeat auctoritatem admonendi parochos seu pastores, quoties admonitio necessario requiri videatur.

Salutatio mea manu Pauli.

Chirographo suo hanc Epistolam à se scriptam testatur, ne de autore dubitent.

Mementote uinculorum meorum.

Hoc duabus de causis adiectum videtur. Primum, ut ipsius exemplo Colossens-

EPIST. PAULI
sossenses animarentur ad persecutiones se-
rendas. Deinde, vt suis precibus ipsum
Deo commendarent, quò persecutionum
finis fieret magis gloriosus.

Gratia uobiscum,
Amen.

Finis principio respondet. Vt enim à
voto incepit Apostolus: ita voto claudit
Epistolam, vt omnia gratiæ & gratuitæ
misericordiæ accepta feramus.

F I N I S.



WITEBERGÆ
EXCVDEBAT IOHANNES
CRATO.

ANNO M. D. LXVI.

[Handwritten mark]


iones fe.
s ipsum
tionum

Vt enim à
o claudit
granitæ

Æ
ANNES

VL

4
10



Faint handwritten text, possibly a library stamp or note.

Birgitta Dall
1982

on

4
10